

四庫全書薈要·乾隆御覽本

集部

欽定四庫全書薈要

集部

御定歷代賦彙卷二十四

御定歷代賦彙卷二十四

地理

海賦

晉  
木華

(海賦)  
昔在帝媯臣唐之世天網淳涵為洞為療洪濤澗汗萬里無際長波沓沓迤迤八裔於是乎禹也乃鏟臨崖之阜陸決陂潢而相拔啟龍門之峯嶺墾陵巖而斬鑿羣山既略百川潛滌決澗澹泞騰波赴勢江河既導萬穴

俱流倚拔五嶽竭涸九州瀝滴滲淫蒼蔚雲霧涓流決  
讓莫不來注於廓靈海長為委輸其為廣也其為怪也  
宜其為大也爾其為狀也則迺洩湫澹濫浮天無岸沖  
融沆瀣渺瀰淡漫波如連山乍合乍散噓喻百川洗滌  
淮漢襄陵廣斥膠瀉浩汗若迺大明撫轡於金樞之穴  
翔陽逸駭於扶桑之津影沙礫石蕩颺島濱於是鼓怒  
溢浪揚浮更相觸搏飛沫起濤狀如天輪膠戾而激轉  
又似地軸挺拔而爭迴峯嶺飛騰而反覆五嶽鼓舞而



相砥涓瀆淪而瀉潔鬱沕迭而隆頽盤盪激而成窟消  
泮滌而為魁澗泊拍而迪颺磊匉匉而相砥驚浪雷奔  
駭水迸集開合解會灑灑濕濕葩華踈沮瀕瀕渠潯若  
迺靈暄潛銷莫振莫竦輕塵不飛纖蘿不動猶尚呀呷  
餘波獨湧彭瀆灣礧礧山壑爾其枝岐潭淪勃蕩成  
汜乖蠻隔夷迴互萬里若迺偏荒速告王命急宣飛迅  
鼓楫汎海凌山於是候勁風揭百尺維長綯挂帆席望  
濤遠決罔然鳥逝鷗如驚鳧之失侶倏如六龍之所掣

一越三千不終朝而濟所屆若其負穢臨深虛誓愆祈  
則有海童邀路馬銜當蹊天吳乍見而鬚髯蝸象暫曉  
而閃屍羣妖邁迓眇眇冶夷決帆摧撞戕風起惡廓如  
靈變忽怳幽暮氣似天霄黻鬚雲布霍昱絕電百色妖  
露呵嗽掩鬱矐睽無度飛滂相礮激勢相沕崩雲屑雨  
泆泆汨汨踈踈湛灤沸潰渝溢灌濟濩渭蕩雲沃日於  
是舟人漁子徂南極東或屑沒於鼃鼃之穴或挂罟於  
岑藪之峯或掣掣洩洩於裸人之國或泛泛悠悠於黑

齒之邦或迺萍流而浮轉或因歸風以自反徒識觀怪  
之多駭迺不悟所歷之近遠爾其大量也則南澗朱崖  
北灑天墟東演析木西薄青徐經塗澗溟萬萬有餘吐  
雲霓含龍魚隱鯤鱗潛靈居豈徒積太顛之寶貝與隨  
侯之明珠將世之所收者常聞所未名者若無且希世  
之所聞惡審其名故可仿像其色覈籟其形爾其水府  
之內極深之庭則有崇島巨鼇崕峴孤亭摩洪波指太  
清竭磐石栖百靈颺凱風而南逝廣莫至而北征其垠

則有天琛水怪鮫人之室瑕石詭暉鱗甲異質若迺雲  
錦散文於沙汭之際綾羅被光於螺蚌之節繁采揚華  
萬色隱鮮陽冰不治陰火潛然熇炭重燔吹炯九泉朱  
燼綠烟曖眇蟬娟珊瑚琥珀羣產接連車渠馬瑙全積  
如山魚則橫海之鯨突抗孤遊夏巖叢偃高濤茹鱗甲  
吞龍舟喻波則洪連踈縮吹滂則百川倒流或迺蹭蹬  
窮波陸死鹽田巨鱗挿雲鬣刺天顛骨成嶽流膏為  
淵若迺巖坻之隈沙石之欽毛翼產殼剖卵成禽鳧雛

離襍鶴子林滲羣飛侶浴戲廣浮深翔驚連軒洩洩淫  
淫翻動成雷擾翰為林更相叫嘯詭色殊音若迺三光  
既清天地融朗不汎陽侯乘蹻絕往覲安期於蓬萊見  
喬山之帝像羣仙縹眇餐玉清涯履阜鄉之留鳥被羽  
翮之縻褫翔天沼戲窮溟甄有形於無欲永悠悠以長  
生且其為器也包乾之奧括坤之區惟神是宅亦祇是  
廬何奇不有何怪不儲茫茫積流含形內虛曠哉坎德  
卑以自居弘往納來以宗以都品物類生何有何無

海賦

晉庾闡

昔禹啓龍門羣山既鑿高明澄氣而清浮厚載勢廣而  
盤礴坎德洊臻水源深博灌注百川控清引濁始乎濫  
觴委輸大壑測之渺而無際望之杳而緜漠鬱拂冥茫  
往來日月朏魄昏微乍明乍沒若夫長風鼓怒涌浪碎  
礧颺波於萬里之間漂沫於扶桑之外於是百川輻輳  
四瀆橫通迴颺泝漭聳散穹隆映曉雲而色暗照落景  
而俱紅驚浪堯莩眇漫澗汨瀟漭潺湲浮天沃日鯨鯢

蘊而乍見蚪螭涌而競遊靈鼉朱鼈出沒爭浮騰龍掣  
水巨鱗吞舟

海賦

齊

張

融

蓋言之用也情矣形乎使天形夤內敷情敷外夤者言  
之業也吾遠職荒官將海得地行關入浪宿渚經波傳  
懷樹觀長滿朝夕東西無里南北如天反覆懸鳥表裏  
兔色壯哉水之奇也奇哉水之壯也故古人以之頌其  
所見吾問翰而賦之焉當其濟興絕感豈覺人在我外

木生之作君自君矣分渾始地判氣初天作成萬物為  
山為川總川振會導海飛門爾其海之狀也之相也則  
窮區沒渚萬里藏岸控會河濟朝總江漢回混浩潰巔  
倒發濤浮天振遠灌日飛高縱撞則八紘摧墮鼓怒則  
九紐折裂增長風以舉波鄗天地而為勢溼澤沓洽來  
往相拉汨深澍渤窳石成窟西衝虞淵之曲東振湯谷  
之阿若木於是乎倒覆折扶桑而為渣濩灤澗渾涓和  
礨雍渤淬淪溲瀾淺壘嵒湍轉則日月似驚浪動而星



河如覆既烈太山與崑崙相壓而共潰又盛雷車震漢  
破天以折轂漣連浣瀨輾轉縱橫揚珠起玉流鏡飛明  
是其回堆曲浦幽闕弱渚之形勢也沙嶼相接洲島相  
連東西蕩滴如滿於天梁禽楚獸胡木漢草之所生焉  
長風動路深雲暗道之所經焉苔苔蒂蒂窅窅翳翳晨  
鳥宿於東隅落河浪其西界茫沆汴河汨硯漫桓旁踞  
委岳橫竦危巒重彰岌岌攢嶺聚立律礪嶽嶽架石相  
陰蔭墮陲陲橫出旁入鬼鬼磊磊若相追而下及峰勢

縱橫岫形參錯或如前而未進乍非遷而已却天抗暉  
於東曲日倒麗於西阿嶺集雪以懷鏡巖昭春而自華  
江澤泊泊滌巖拍嶺觸山礮石汗渥溼況礮泱濃河流  
柴磳屹頓浪低皮蓉破硤折嶺挫峰牢浪礮培朋山相  
礮萬里藹藹極路天外電戰雷奔倒地相礮獸門象逸  
魚路鯨奔水遽龍魄陸振虎魂却瞻無後向望行前長  
尋高眺唯水與天若乃山橫蹴浪風倒摧波磊若驚山  
竭巖以竦石鬱若飛煙奔雲以振霞連瑤光而交綵接

玉繩以通華爾乎夜滿深霧晝密長雲高河滅景萬里  
無文山門幽暖岫戶益益九天相掩王地交氛汪汪橫  
橫沆沆浩浩淬潰大人之表泱蕩君子之外風沫相排  
日閉雲開浪散波合岳起山墮若乃漉沙構白熬波出  
素積雪中春飛霜暑路爾其竒名出錄詭物無書高岸  
乳鳥橫門產魚則何羅鱮鮓鮓鯪鯪鯢日吐霞吞河  
漱月氣開地震聲動天發噴灑噫流雨而揚雲吞臚  
壯脊架岳而飛墳踈動崩五山之勢矚矚煥七曜之文

蟠螭瑁蚌綺貝繡螺玄朱互綵綠紫相華遊風秋瀨泳  
景登春伏鱗漬綵昇魴洗文若乃春代秋緒歲去冬歸  
柔風麗景晴雲積暉起龍塗於靈步翔螭道之神飛浮  
微雲之如普落輕雨之依依觸巧塗而砥遠抵欒木以  
激揚浪相礪而起千狀波獨湧乎一萬容蘋藻留映荷  
芰提陰扶容曼綵秀遠之深明藕移玉清蓮代金盼芬  
芳於遙渚汎灼爍於長潯浮壚雜舳遊舶交艘惟軒帳  
席方遠連高入驚波而箭絕振排天之雄颺越湯谷以

逐景渡虞淵以追月徧萬里而無時決天地於揮忽雕  
隼飛而未半鯤龍趕而不逮舟人未及復其喘已周流  
宇宙之外矣陰鳥陽禽春毛秋羽遠翅風遊高翮雲舉  
翔歸棲去連陰日路瀾漲波渚陶玄浴素長絃四斷平  
表九絕雉翥成霞鴻飛起雪合聲鳴侶並翰翻羣飛闕  
溢繡流浦照文爾夫人微亮氣小白如林涼空澄遠增  
漢無陰照天容於鯉渚鏡河色於魴潯括蓋餘以進廣  
浸夏洲以洞深形每驚而義維靜跡有事而道無心於

是乎山海藏陰雲塵入岫天英徧華日色盈秀則若士  
神中琴高道外袖輕羽以衣風逸玄裾於雲帶筵秋月  
於源潮帳春霞於秀瀨曬蓬萊之靈岫望方壺之妙闕  
樹過日以飛柯頽回峰以蹴月空居無俗素館何塵谷  
門風道林路雲真若乃幽崖隄陬隈隩之窮駿波虎浪  
之氣激勢之所不攻有卉有木為灌為叢路糝網雜結  
葉相籠通雲交拂連韻共風蕩洲礫岸而千里若崩衝  
崖沃島其萬國如戰振駿氣以擺雷飛雄光以倒電若

夫增雲不氣流風斂聲瀾文復動波色還驚明月何遠  
沙裏分星至其積珍全遠架寶諭深瑤池玉壑珠岫珎  
岑合日開夜舒月解陰珊瑚開續瑠璃竦華丹文鏡色  
雜照冰霞洪洪潰潰浴干日月淹漢星墟滲河天界風  
何本而自生雲無從而空滅籠麗色以拂烟鏡懸暉以  
照雪爾乃方員去我混然落情氣暄而濁化靜自清心  
無終故不滯志不敗而無成既覆舟而載舟固以死而  
以生弘芻狗於人獸導至本以克形雖萬物之日用諒

何緯其何經道湛天初機茂形外亡有所以而有非膠  
有於生末亡無所以而無信無心以入太不動動是使  
山岳相崩不聲聲故能天地交泰行藏虛於用舍應感  
亮於圓會仁者見之謂之仁達者見之謂之達喆者幾  
於上善吾信哉其為大矣

滄海賦

魏文帝

美百川之獨宗壯滄海之威神經扶桑而遐逝跨天涯  
而託身驚濤暴駭騰涌澎湃鏗訇隱潏涌沸凌邁於是



鼉鼉漸離泛濫淫遊鴻鸞孔鵠哀鳴相求揚鱗濯翼載  
沉載浮仰喙芳芝俛漱清流巨魚橫奔厥勢吞舟爾乃  
釣大貝採明珠擲懸黎收砮硃窺大麓之潛林覩瑤木  
之羅生上蹇產以交錯下來風之泠泠振綠葉以歲蕤  
吐芬葩而揚榮

滄海賦

晉  
潘岳

徒觀其狀也則湯湯蕩蕩瀾漫形沈流沫千里懸水萬  
丈測之莫量其深望之不見其廣無遠不集靡幽不通

羣谿俱息萬流來同舍三河而納四瀆朝五湖而夕九  
江陰霖則興雲降雨陽霽則吐霞曜日煮水而鹽成剖  
蚌而珠出其中有蓬萊名嶽青丘奇山阜陵別島環  
其間其山則螺崔嵬崒嵯峨降屈披滄流以特起擢崇  
基而秀出其魚則有吞舟鯨鯢烏鯢龍鬚蜂目豺口狸  
斑雉軀怪體異名不可勝圖其蟲獸則素蛟丹蚪元龜  
靈鼈修鼃巨鼈紫貝螭蛇玄螭蚪蚪赤龍焚蘊遷體改  
角推舊納新舉扶搖以抗翼泛陽侯以濯鱗其禽鳥則

鷗鴻鷓鴣駕鷺鷥鵲朱背焯綺縹翠蔥菁詳察波浪之  
來往遍聽奔激之音響力勢之所迴薄潤澤之所彌廣  
信普天之極大橫率土而莫兩

大壑賦

梁簡文帝

渤海之東不知幾億大壑在焉其深無極悠悠既湊滔  
滔不息觀其浸受壯其吞匿歷詳衆水異導殊名江出  
濯錦漢吐珠瑛海逢時而不波河遇聖而知清嗟乎使  
夫懷山之水積天漢之流駛彭潛與渭濕俱臻四瀆與

九河同至余乃知巨壑之難滿尾閭之為異

覽海賦

漢班固

余有事於淮浦覽滄海之茫茫悟仲尼之乘桴聊從容而遂行馳鴻瀨以漂鶩翼飛風而迴翔顧百川之分流煥爛漫以成章風波薄其裊裊邈浩浩以湯湯指日月以為表索方瀛與壺梁曜金璆以為闕次玉石而為堂冀芝列於階路涌醴漸於中唐朱紫彩爛明珠夜光松喬坐於東序王母處於西廂命韓衆與岐伯講神篇而

校靈章願結旅而自託因離世而高遊騁飛龍之駢駕  
歷八極而迴周遂竦節而響應忽輕舉以神浮導霓霧  
之掩蕩登雲塗以凌厲乘虛風而體景超太清以增逝  
麾天閣以啓路闢閭闔而望余通王謁於紫宮拜太乙  
而受符

遊海賦

魏  
王粲

乘茵桂之芳舟浮大江而遙逝翼驚風而長驅集會稽  
而一晚登陰隅以東望覽滄海之體勢吐星出日天與

水際其深不測其廣無臬尋之冥地不見涯洩章亥所  
不極盧敖所不屈懷珍藏寶神隱怪匿或無氣而能行  
或含血而不食或有葉而無根或能飛而無翼鳥則爰  
居孔鵠翡翠鸕鷀繽紛往來沈浮翱翔魚則橫尾曲頭  
方目偃頰大者若山陵小者重鈞石乃有賁蛟大貝明  
月夜光螭鼉瑇瑁金質黑章若夫長洲別島幕布星峙  
高或萬尋近或千里桂林叢乎其上海珊瑚周乎其趾羣  
犀代角巨象解齒黃金碧玉名不可紀洪洪洋洋誠不

可度也處岵夷之正位兮同色號於穹蒼包納汚之弘  
量正宗廟之紀綱總衆流而臣下為百谷之君王

望海賦

晉  
孫綽

五湖同浸九江叢漑抱河含濟吞淮納泗南控沅湘西  
引涇渭洲渚迢遞以疏屬島嶼縣邈以牢羅殖鬼崔之  
碣石構穹隆之牂牁玄奧之府重仞之房鱗彙萬殊甲  
產無方包隨珠銜夜光瑇瑁熠爍以泳游螭螭煥爛以  
映漲虛貝含素而表紫蠓螺絡丹而帶紺青甲芬飈以

微扇玄木杳眇以舒芳其卉木則綠苔石髮蔓以流縣  
紫莖芑綜解以被渚華組依波而錦披翠綸扇風而繡  
舉長鯨嶽立以截浪虬鰓揚鬚以排流巨鼇巔負以冠  
山鳥鱗呼翕以吞舟鵬為羽傑鯤稱介豪翼遮半天背  
負重霄舉翰則宇宙生風抗鱗則四瀆起濤考萬川以  
周覽亮天地之綜緯彌綸八荒亘帶九地昏明注之而  
不溢尾閭洩之而不匱

曙海賦

明  
劉守元



余居南海之濱覽燕雲之勝沂河涉濟反江南窺吳會  
樂人文之秀而資麗澤之隆也有主人傾而長慧質宏  
中其氣如虹揖余而問海之曙焉余曰子欲觀於曙海  
乎乾洩而坤蓋天浸而地瀆漭漭漾盪潏洑滂湛汪濊  
滔漭瀾濩漫汗當其朝暉曇曇倉楮曳藍宗陽載升霞  
彩竟天洪濤不驚蛟龍蟄淵汨汨沒沒渾渾涵涵意象  
蒼然萬里茫茫須臾澹烟盡收於天為極桃浪躍金瓊  
波碎壁琉璃綴綠凌虛若滴近則漁歌唱曉鷗鷺鳧鷗

將鳴欲食悠然自得遠則島外揚輝海鷁仙槎舳艫檣  
席颼颼漑漑孤峰數點天風瑟瑟紫氣林地維以滌  
八柱砥流六鼇浴德跂蓬萊於鬋鬋鮫室依稀乎如覓  
望安期於縹渺徐市優游以入適河伯就朝於溟宮海  
若出會乎天澤鱗介角果之族吸朝華以葆真青紫黑  
赤之毛潤晨涓而增色於斯時也四外太清指顧可得  
東望滄溟銀山雪屋蜃氣繽紛西盼流洋冥樞千尋天  
倚日隔北觀瀚海鯤鵬奮擊鬣翮百尺南窺太渤大士

現身祥光拱翼蓋崇朝而皆然繫四海之一色又如勾  
芒司晨葭灰夜轉寅賓出日黛流翠澆祝融南來火龍  
燔軸巨浸電閃浮光掩映大火西流金波起颺玉色橫  
空一氣如練不周主神龜蛇為相三三層九瓊花舞濺  
四時不同各如其象斯天下之大觀於晨輝而始絢雖  
源深而流長亦夜氣之所養彼晦冥之牯亡自因時而  
有遷子欲觀於曙海其有感於平旦之未央主人矍然  
曰夫海亦資於夜氣乎余曰奚而不資也天地之氣於

海馬鍾矣其名曰大瀆其位曰尾閭其象曰沃焦釜方  
其潛氣於寂隨月而汐神妃閉扃少女屏息天一為滋  
地六為澤漾玉兔之精華隱金烏於玄默悠悠乎洗天  
浴日之功浩浩乎光風霽月之宅是以曙氣澄清旨趣  
融液大丈夫昧爽丕顯襟懷灑澀旦氣凝眸一覽而悉  
心兮本虛會逢其適天光雲影浩然自得淵乎意象之  
兩亡蕩乎天壤之俱闢煥乎文章之見澹乎躁心之釋  
觀海者而有得於斯庶幾乎迴脫於陳迹主人聞而憚

趨而避席謝不敏遂書以號之曰曙海之客

衆水歸海賦

以納衆流而成深廣為韻

唐闕名

大矣哉海浩漾尋之無際望之無象利萬物以成德總  
羣川而為長柔能善下稟巨壑以包涵握而朝宗覩衆  
流之歸往是以臨不測者未足言其濟深思利涉者孰  
可詠其河廣究其所由得之在柔濫觴之初因一勺而  
畎澮循環無際想三歲之周流伊昔洪水方割夏禹是  
理既濬崑崙之輸爰標南國之紀故導之逾遠非壅之

可止將虛受之為德諒成大而有以且明乎避高之義  
自得乎潤下之旨始將就濕將浩浩而其來終類沃焦  
見滔滔之未已原夫水反於壑海不厭深其有也靡患  
乎汎濫其細也不逆於浸淫是知衆流同歸異源將合  
注而不竭但見乎川流滿而不盈更因乎海納廣哉巨  
瀛莫之與京萬里波委四時砥平灌以涇不能混其濁  
注以渭不能益其清不涌浪而跳沫獨持盈而守成故  
得萬穴爭赴九河自同類夫雲之從龍鳥之附鳳又似

一人立國萬方入貢願以舍垢之體為納汙之諷因知夫海為川谷之王以寬而得衆

江漢朝宗賦

以百川會流必歸於海為韻

唐

樊陽源

江漢之流始滔滔乎楚澤雖導源而則異必朝宗而來格故能吞別派而且千壅細流而累百初謂發岷山之濺濺出蟠冢而涓涓忽洑至以盈坎遂同歸於巨川洋洋不窮驅迅波以來注浩浩何足走驚浪而方前沸渭迸瀨崩奔爭會過東陵而更長歷南國而彌大引汲清

濁并包畎澮始逶迤於域中終委輸於區外雙流淼淼  
並驚悠悠瀉汗乎萬里經營乎數州靜委極深且無驚  
於海若潛盈巨壑亦何怒於陽侯彼弘納之無際信為  
長於百流爾其揭厲莫從深淺無必絕地脈於颺駛透  
天池而箭疾善下以潔乎龍堂流謙更清乎鮫室就其  
深矣誰識濫觴之源不可方思空想觸舟之實終始齊  
赴周流不違似有待而俱進何經始之相依演漾紆餘  
必遠分而適合洄狀激射雖異出而同歸則知海之為



量也虛而有餘水之趨本也道亦相於二派既朝於滄  
海衆星如拱於辰居漢之廣分明委積之有所江之永  
矣表靈長之在諸是俾涵虛之狀益深浮天之容斯在  
苟歸塘之不息諒納汙而惟倍大矣哉誰究其廣深空  
有望於靈海

江漢朝宗賦

元

黃師郊

玄黃莫極混沌攸分屹岷峨之西峙發天一之玄精沛  
靈液以長流亘天南之緯經激逸勢以邁驅送馳波於

滄溟譬萬國之會同咸疾趨於紮宸茲江漢之東注所以著朝宗之徽稱者歟時其春濤浩漲萬壑流液駭浪翻空天網浮滴激三澨而霆喧浸峽雲而影沒騰蛟鼓躍而噴風怒蛻霍揮而翳日長驅震鐵騎之西來支流若附庸之畢集望滄海之茫茫倡百川而全入雖百折而必東靡回波之頽息茲非諸侯春見而日朝於以覲王庭而述職者乎又若陰風怒號濁浪排空巨浸稽天而浩浩驚濤觸石以溶溶始兩川之並駕終合勢而景

從雷轟於大別之下電繞於廬阜之衝渺乾坤其浮浮  
蘸旭影之瞳瞳飛流駭奔走塗山之玉帛狂瀾澎湃集  
王會之琛琮茲非諸侯夏見而曰宗於以朝京師而會  
同者乎余嘗快西風之曉晴駕兩龍兮北征朝吾道兮  
江浦夕余憩兮漢濱覽形勝之茫茫黯寒烟兮夕汀洞  
庭南瀉蕩天光之一碧赤壁西望俯洪流而下臨蜀山  
逶迤而送色楚澤浩渺而連雲鳧鷖低徊於煙渚葦花  
點綴於寒津濯纓乎滄浪之浦游目乎鵠山之岑余於

是有所感矣思昔龍門未闢環海湯湯慨尾閭之未洩  
肆川后之陸梁惟聖神之惻然乘四載而彷徨經蟠冢  
以導漢隨岷山而入江障狂瀾而東驚若日月之回光  
迨夫軋坤岳奠川澮羣流循徑以汨滴飛滂摧雲以距  
海各順序而安行孰奔騰而橫潰觀物理之有常等民  
彝之不昧思禹功而當年實萬世之永賴嗟夫觀水於  
窮壤之間知物有君臣之義大而麗天之象緯微而在  
物之螻蟻雖氣類之萬殊實均具夫此理何世降於春

秋迴霸圖之殊異嗟河陽之書狩秉麟筆之微意在桓  
文而尚爾於吾楚夫何忌觀逝者之如斯能不怛怛而  
媿死此余於江漢之朝宗安得不悵然而長喟惟聖元  
之御極總萬國以來庭雖海隅之遐陬亦梯航而貢琛  
藐余忝於楚產懷朝宗之至心鼓三汲之巨浪振修鱗  
於禹門爰寄悰於江漢聊行意於斯文

江漢朝宗賦

元

李原同

緊鴻濛之肇判兮奠高深於西東維百川之朝海兮羌

四方其皆同問江漢其何取兮乃獨謂彼為朝宗豈岷  
嶓之高峙兮故下流之奔躍勢已順之自然兮曾不假  
夫疏濬抑孰知龍門之未鑿兮渺巨浸之稽天瀦九州  
於一壑兮又何有乎茲川彼衆水之無謀兮紛陸梁其  
扼塞勢驕逞而不摧兮咸齟齬而未入想江漢於此時  
兮雖欲朝宗而不可得逮神標之遍歷乃載疏而載通  
泄歸墟以不溢兮決險阻而無壅臨茲水之妥帖兮乃  
靡然而來通排淮泗以爭先兮駛沅湘而互後過重湖

且於焉止息奕潛沱其駿奔走導龍灣而罄折兮全鄂  
者其輻湊澧澧渺其依乘沅辰浩其雲從汝墳於焉而  
效順兮資漸於焉而附庸滔滔汨汨相與會同兮安行  
而不怒流內方而鳧趨兮曾何有夫跋扈經雲夢而魚  
貫兮咸遵道而得路驚春湍漲以澎湃湧銀屋之嵯峨  
恍諸侯之來朝兮鏘劍佩之相磨夏潦盡而安流兮湛  
淤碧其無波又若干乘之來宗噦鸞聲之載和幕阜旁  
圍而莫留兮大別橫絕而莫禦羣山蹈舞以送迎兮若

回旋而不能去後天吳使奔屬兮前陽侯使前驅相靈  
為之清道兮令海若兮舞馮夷鮫人隨以貢珍兮望洋  
於焉而獻竒玄螭赤鱗並前進兮形蚴蟉而逶迤望海  
門之偃蹇兮渺衆流之君長萬壑注而不溢兮信厥量  
之至廣矧江漢有君臣之義兮舍茲名兮焉往彼在山  
而過潁兮豈其性之本初相彼水其尤若茲兮可以人  
而不如覩洞庭之落葉兮歎三苗之弗率見赤壁之歸  
帆兮嗟孟德之至逆渺汨羅之流沙兮嘉三閭之精忠



宜流聲之泯泯兮與茲水而始終睇廟庭之古柏兮慨  
神禹其安在偉疏鑿之宏功兮歷萬世其永賴昔劉子  
之行役兮尚河洛之生悲暨韓侯之入覲兮託梁山而  
興思況江漢之湯湯兮實吾生之所依夫既出於昏墊  
兮奠爾居其誰伊念明德之既遠微斯人兮吾其歸乃  
歌曰漢之廣矣孰初淪之江之永矣孰其鑿之維江維  
漢春朝夏宗神禹之功江漢無窮

海潮賦有序

唐  
盧肇

夫潮之生因乎日也其盈其虛繫乎月也古君子所未究之將為之辭猶憚夫有所未通者故先序以盡之肇始窺堯典見歷象日月以定四時乃知聖人之心蓋行乎渾天矣渾天之法著陰陽之運不差陰陽之運不差萬物之理皆得萬物之理皆得其海潮之出入欲不盡著將安適乎近代言潮者皆驗其及時而絕過朔乃興月弦乃小贏月望乃大至以為水為陰類牽於月而高下隨之也遂為濤志定其朝夕以為萬古之式莫之逾

也殊不知月之與海同物也物之同能相激乎易曰天地睽而其事同也男女睽而其志通也夫物之形相睽而後震動焉生植焉譬猶烹飪置水盈鼎而不爨之欲望膳羞之熟成五味之美其可得乎潮亦然也天之行健晝夜復焉日傳於天天右旋入海而日隨之日之至也水其可以附之乎故因其灼激而退焉退於彼盈於此則潮之往來不足怪也其小大之期則制之於月大小不常必有遲有速故盈虧之勢與月同體何以然日

月合朔之際則潮殆微絕以其至陰之物適於至陽是以陽之威不得肆焉陰之輝不得明焉陰陽敵故無進無退無進無退乃適平焉是以月之與潮皆隱乎晦此潮生之實驗也其朏其朧則潮亦隨之乃知日激水而潮生月離日而潮大斯不刊之理也古之人或以日如平地執燭遠則不見何甚謬乎夫日之入海其必然之理乎且自朔之後月入不盡晝常見焉以至於望自望之後月出不盡晝常見焉以至於晦見於晝者未嘗有

光必待日入於海隔以映之受光多少隨日遠近則  
光少遠則光多至近則甚虧至遠則大滿此理又足證  
夫日至於海水退於潮尤較然也肇適得其旨以潮之  
理未始著於經籍間以類言之猶乾坤立則易行乎其  
中易行乎其中則物有象焉物有象而後有辭此聖人  
之教也肇觀乎日月之運乃識海潮之道識海潮之道  
亦欲推潮之象得其象亦欲為之辭非敢銜於學者蓋  
欲請示千萬祀知聖代有苦心之士如肇者焉賦曰

開圓靈於混沌包四極以永貞艷至陽之元精作寒暑  
與晦明截穹崇以高步涉浩漾而下征迴龜鳥於兩至  
曾不愆乎度程其出也天光來而氣曙其入也海水退  
而潮生何古人之守惑謂茲濤之不測安有夫虞泉之  
鄉沃焦之域棲悲谷以成暝浴濛汜而改色巨鱗隱見  
以作規介人呼吸而為式陽侯玩威於鬼工伍胥洩怒  
乎忠力是以納人於聾昧遺羞乎後代曾未知海潮之  
生兮自日而太陰裁其小大也今將考之以不惑之理

著之於不刊之辭陳其本則晝夜之運可見其影響言  
其徵則朔望之候不爽乎毫釐豈不謂乎有耳目之疾  
而燿將判乎神醫者也粵若太極分陰分陽陽為日故  
節之以分至啓閉陰為水故霏之以雨露雪霜雖至蹟  
而可見雖至大而可量豈謂居其中而不察乎沙漠亡  
其外而不考其汪洋者哉故水者陰之母日者陽之祖  
陽不下而昏曉之望不得成陰不升而雲雨之施不得  
覩因上下之交泰識洪濤之所鼓胡為乎歷象取其枝

葉而迷其本根也策其涓滴而喪其泉源也於是欲抉其所迷而論之採其所長而存之光乎廓乎汨磅礴乎差嚮溟之無際曷鴻濛而可以盡度乎乃知夫言潮之初心遊六虛索蜿蜒乎乾龍駕軫軻乎坤輿知六合之外洪波無所洩識四海之內至精有所儲不然何以使百川赴之而不溢萬古揆之而靡餘也是乃察乎濤之所由生也駭乎哉彼其為廣也視之而盪盪矣彼其為壯也欲乎其沆沆矣其增其贏其難為狀矣當夫巨浸



所稽視無顛倪洶涌瀕洞窮東極西浮厚地也體定半  
圓天而勢齊謂無物可以激其至大故有識而皆迷及  
其碧落右轉陽精西入抗雄威之獨燥卻衆柔之繁濕  
高浪瀑以旁飛駭水洶而外集霏細碎以霧散屹奔騰  
以山立巨泡丘浮而迭起飛沫電燧以驚急且其日之  
為體也若熾堅金圓徑千里土石去之稍邇而必焚魚  
龍就之雖遠而皆靡何海水之能逼而不澎漚沸渭以  
四起故其所以凌鑠其所以薄激者莫不魄落焯爍如

爨巨鑊艷兮不可探乎流荒之內呀焉若天地之有齟  
齟其始也漏光迸射虹截寓縣拂長庚而尚隱帶餘霞  
而未殄其漸沒狗兮若后羿之時平林載馳驅羆虎與  
兕象懾千熊及萬羆呀偃蹇而矍鑠忽劃磔而齧齧其  
少進也若兆人繽紛填城溢郭蹄相蹂蹙轂相摩錯闕  
闐澶漫凌彊侮弱倏皇輿之前蹕孰不奔走而揮霍及  
其勢之將極也湑兮若牧野之師昆陽之衆定足不得  
駭然來奔騰千壓萬蹴搏沸亂雄稜後闕懦勢前判懾

仁兵而自僵倏谷呀而噉斷此者皆海濤遇日之形聞者可以識其畔岸也賦未畢有知玄先生諷之曰斯義也古人未言吾將耀乎文墨之場以貽永久為天下稱揚爰有博聞之士駭潮之義始盱衡而抵掌俄顛斷而愕眙擘衣下席蹈足掀臂將欲致詰領畫天地久之而乃謂先生曰伊潮之源先賢未言枚乘循涯而止記其極木華指近而未考其根焉有末學後塵遽荒唐而敢論先生矍然而疑乃因其後推車捧席執牯伺顏言之

少間請見徵之所如客乃曰人所不知而不言不謂之  
訥人所未識而不道不謂之愚彼亦何敢擅談天之美  
幹究地之輸指溢漭之難悟欲盡聽於羣儒今將盡索  
乎彼潮之至理何得與日月而相符且大章所步東西  
有極容成叩玄陰陽已測陽秀受乎江政玄冥佐乎水  
德莫不窮海運稽日域及周公之為政也則土圭致晷  
周髀作則裨竈窮情乎天象子雲贊數於幽默張衡考  
動以鑄儀淳風述時而建式彼皆凝神於經緯之間極

思乎圓方之壺胡不立一辭於茲潮以明乎繫日之根本也先生苟奇之胡不思之先生將寶之胡不考之苟由日升當若準若繩何春夏差小而秋冬勃興其逾朔也當少進何遽激而斗增其過望也當少退何積日而馮陵晝何常微夜何常大何錢塘洶然以獨起殊百川之進退何仲秋忽爾而自興異三時之霧霈日之赫焉猶火之烈火至水中其威乃絕入洪溟以深漬何日光而不滅潮之往來既云因日日唯一沈潮何再出萬流

之多匪江匪河發自畎澮往成天波終古不極盍沈四  
國何成彼潮而小大一式為潮之外水歸何域又云水  
實浮地在海之心日潛其下而逢彼太陰且其土厚石  
重山峻川深投塊置水靡有不沈豈同其芥葉而泛以  
蹄涔繫塊坻之至大何水力之能任吾聞之天地噫氣  
有吸有呼晝夜成候潮乃不踰豈由日月之所運作誇  
誕以相誣者哉先生閱賦之初深通厥旨及聞客論訢  
然啓齒於是謂客徐坐善聽厥辭蓋聞南越無頌冰之

禮鄭人有市璞之嗤常桎梏於獨見終沈溺於羣疑既  
別白而不悟爰提耳而告之然事有至理無爭無勝猶  
權衡之在懸審錙銖而必應稽海潮之與旨諒余心之  
足證當為子窮幽而洞冥豈止於揆物而稱哉夫日北  
而燠陽生於復離南斗而景長邇中都而夜促當是時  
也氣蒸川源潤歸草木既作雲而洩雨乃襄陵而溢谷  
魚龍發坼於胎卵鳥獸含滋於孕育且水生之數一而  
得土之數六不測者雖能作於溟渤苟窮之當無羨於

升掬其散也為萬物之腴其聚也歸四海之腹歸則視之而有餘散則察之而不足春夏當氣散之時故潮差而小也及其日南而涼陰生於姑退東井而延夕遠神州而減晝當是時也草木辭榮風霜入候水泉閉而上涸滋液歸而下湊瘁萬物以如燭運大澤而若漏縮於此者盈於彼信吾理之非謬秋冬當氣聚之時故潮差而大也兩曜之形大小唯敵既當朔以制威陽雖盛而難迫其離若爭其合如擊始交綏而並鬪終摩壘而先



釋日沮其雄水凝其液既冒威於一朝信蓄怒乎再夕  
且潮之所恃者月所畏者日月違日以漸遙水畏威而  
乃溢亦猶羣后納職來造王門獲命以出望宁而奔引  
百察而盡退何一跡之敢存此潮象之所以逾朔二日  
而斗增也黃道所導遐邇已均肆極陽而不礙故積水  
而皆振自朔而退退為順式自望而進進為干德伊坎  
精之既全將就晦而見逼勢由望而積壯故信宿而乃  
極此潮之所以後望二日而方盛也自曉至昏潮終復

始陽光一潛水復迸起復來中州逾八萬里其勢涵澹  
無物能弭分晝於戌作夜於子子之前日下而陰滋子  
之後日上而陽隨滋於陰者故鑠之於水而不能甚振  
隨於陽者故迫之為潮而莫肯少衰此潮所以夜大而  
晝稍微也嘗信彼東遊亦聞其揆臧之者究物理盡人  
謀水無遠而不識地無大而不搜觀古者立名而可驗  
何天之造物而難籌且浙者折也蓋取其潮出海屈折  
而倒流也夫其地形也則右蟠吳而大江罩其腹左挾

越而巨澤灌其喉獨茲水也夾羣山而遠入射一帶而  
中投夫潮以平來百川皆就浙入既深激而為闔此一  
覽而可知又何索於詳究羣陰既歸水與天違當宵分

之際避至烈之輝因圓光之既對引大海以羣飛夫秋  
之中而陰盛亦猶春之半而陽肥事苟稽於已著理必  
辨於猶微故濤生八月之望者尤岌岌而巍巍也萬物  
之中分日之熱叩琢鑽研其火乃烈吹烟得燄傳薪就  
熱附於堅則難銷焚於槁則易絕所依無定遇水乃滅

太陽之精火非其匹至威無敵至精無質入四海而水不敢濡照八紘而物莫能屈就之者咸得其光輝仰之者不知其何物其體若是豈比夫寒灰死炭遇濕而同漂泊哉方輿之下陽祖所迴歷亥子而右盛逾丑寅而左來右激之遠兮遠為朝左激之遠兮遠為夕既因月而大小成亦隨時而前後隔此日之所以一沈而潮之所以兩折也天地一氣也陰陽一致也其虛其盈隨日之經界寒暑之二道將無差於萬齡故小大可法而乾

坤永寧也若夫雲者雨者風者霧者為雪為霜者為雹  
為露者雷之所鼓者龍之所赴者羣生之所賦者萬物  
之所附者彼皆與日而推移所以就其衰而成其茂也  
然後九圍無餘而萬流為之長輔談未竟客又勦而言  
曰若乃寒暑定而風雨均也吾聞之洪範云豫常燠急  
常寒狂乃陰雨為沴僭則陽氣來干苟日月之躔一定  
又何遠於王政之大端彼有後問姑紓前言夫三才者  
其德之必同天以陽為主地以陰為宗參二儀之道在

一人之躬一人行之三才皆協德順時則雨霽均行逾常則凶荒接僭慢所以犯陽德也故曝疋莫之哀狂急所以犯陰德也故離畢為之災此則為政之所致非可以常度而割裁也客曰唯其餘如何復從而解之曰惟坤與乾余常究焉清者浮於上濁者積於淵濁以載物為德清以不極為玄載物者以積鹵負其大不極者以上規奠其圓故知鹵不積則其地不能載玄不運則其氣無以宣夫如是山嶽雖大地載之而不知其重華夷

雖廣鹵承之而不知其然也氣之輕者其升乃高故積  
雲如嶽不駐鴻毛輕而清也而物莫能勞及其干霄勢  
窮霏然下墜隨坳壑而虛受任畎澮之疏潰著則重也  
故舟楫可以浮寄至夫離九天墮九地作重陰之膠固  
自堅冰以馴致固可以乘鴻溟以自安受萬有而不圯  
者也聽茲言較茲道定一陽之所宗何衆理之難考且  
合昏知暮而翰音司晨安有懷五常之美預率土之濱  
苟無諒乎此旨亦何足齒於吾人子以天地之中元氣

噫噦為夕為朝且登且沒泛辭波而甚雄處童蒙而未  
發孰觀地喙乎深泉之涯孰指天吭乎巨海之窟既無  
究於茲源寧有因其呼吸而騰勃者哉客謝曰辭既已  
矣欲入壺奧願申一問先生幸以所聞教之嘗居海裔  
覲潮之勢或久往而方來或合沓而相際曷舛互之若  
斯今幸指乎所制先生撰屨旁眇亦窮其變吾因訊夫  
墨客當大索其所見彼亦告於余曰日往月來氣迴天  
轉其激也大則體甚而相踈其作也小則勢接而相踐



惟體勢之可準故合沓而有羨其何怪焉客乃跼軀斂  
色交袂而辭彼圓玄方蹟古惑今疑歎載籍之不具恨  
象數之尚遺方盡迷於閩域非先生親得於學者而孰  
肯論之於是乎若卯判雛生鼓擊聲隨雷電至而幽蟄  
起蛟龍升而雲雨滋形開夢去醒至醒離既手之舞之  
足之蹈之乃避席而稱詩為賀演知玄先生之辭辭曰  
噫哉古人迷潮源兮剏編鬻翰曾未言兮羅虛列怪無  
藩垣兮名儒幽討理可尊兮高駕日域窺天門兮潮疑

一釋永立言兮若和與扁祛吾憚兮昔之論者何其繁  
兮意摩心揣祇為謹兮陰陽數定水長存兮進退與日  
遊混元兮一升一降兮寒暑成下凝濁兮上浮清隨盈  
任縮兮浮四溟釜鑊蒸爨兮擬厥形願揚此辭兮顯為  
經高誇百氏兮貽億齡先生曰彼能賦之子能演之非  
文鋒之破鎬何以解乎羣疑客乃酣然自得油然而退  
也

海水不揚波賦

以平上去入  
倒用為韻

唐

石岑

太極立天地疏獄瀆所以鎮四維橫九服伊海之為德  
有王之法象故量納羣川而道適百谷功配乾絡運迴  
坤軸氣蒸混於灝元潮動襄乎山陸示懲惡則鼓怒見  
夫羣怪將瑞聖則不波介以景福唐興百三十有四載  
湛恩溢乎荒外倬五聖之在天奄六合而成大赫吾君  
之光贊敷至道而允泰政符純德昭千古而惟新澤體  
上仁同萬類而咸賴八狄窮陬而盡歡九夷無遠而不  
會則成周之德未足雙越裳之來今至再是以四海盡

鏡九瀛涵影寫合璧之祥光湛連珠之瑞景德倅上善  
洗物而容潔道本玄元澄心而體靜湛兮恒清晏兮砥  
平汨乎無情蕩乎難名如君之道酌焉而不竭象君之  
德注焉而不盈所謂皇得一則政能貞海得一則波不  
驚况兮忽兮其中有物杳兮冥兮其中有精精固竒而  
不育物無大而不成鯤將化鵬欲征蚌且剖珠其明誰  
能一借扶搖便為君御之貢王城

溟海波恬賦

明屠隆

西嶽山人遊於東海遭東海生於海濱西嶽山人揖東  
海生而進曰僕西嶽山人也世居西嶽華山中今者汗  
漫遊於東海敢問東海之勝奚若東海生曰夫東海天  
下巨麗之觀也今者子從華山西來大海之勝吾且與  
子共覽焉又焉事僕空侈談其盛哉乃相與登海門縱  
目觀之偉哉大浸恢詭特異氣蒸宇宙流濕雲翳簸弄  
寥廓萬形失麗合渾沌并元氣蕩八荒吞四裔潏潏浩  
淼超忽不知其窮際爾乃踟躕旁皇於其上海風蓬蓬

而蕭颺高天下垂大地欲浮長波卷雪跳沫崩丘肆遐  
矚於空曠顛倒恍忽宵然喪其赤縣神州雄怪駭爾心  
目神光散而不收西嶽山人曰有是哉東海之勝一至  
此壯也東海生曰今者子徒得其大觀尚未領其奧區  
也僕考之載籍東有大壑名曰歸墟受八紘九野之水  
納天漢之流而廓乎有容涵乎無餘南通滇池東至瑯  
邪北亘玄朔西涉流沙掩三湘吞七澤杯盂九河潢潦  
四瀆大海之外又復有海禹迹之所不能到圖經之所

不能載日月跳丸於其中浮大地之幾何曾不盈其一  
塊又有扶桑千仞上凌太空杳杳砢砢靈根莫窮巨鼇  
載乎五山峙萬古之神功橫波乘漲不與世通唯飛仙  
而能至實乃大帝之所宮蓬萊萃嶺而軒露方壺天矯  
而騫驪大鳥集於壙垠之野羣仙會於虛無之場游鴻  
濛遊雲將樂苑風嬉東皇盧敖偕若士而夷猶安期邀  
羨門而翱翔淳圉拉陵陽而容與浮丘接王喬而尚羊  
仰貫列缺之倒影上千北斗之瑤光吾將劃然長嘯矯

馬輕舉駕赤螭躡彩虹蛻塵跡訪仙蹤以凌乎海上之  
諸峰子其能我從乎西嶽山人曰唯唯是或難哉子將  
凌虛徑度僕恐身不能生毛羽若乘舟以往即望見仙  
山輒有天風吹之而去奈何子無誕矣僕聞之聖人出  
世海不揚波有諸東海生曰然即越裳氏所稱今時之  
謂也今天子神聖首治改元恢唐虞之至德流大海之  
波瀾化及昆蟲恩被八埏而西蜀劉公又適膺天子簡  
命以節鉞來鎮東偏於鑠劉公一代偉人坐鎮方面雄



視海門千艘霧列萬竈雲屯威令霜肅德煦春溫大海  
以東兀然重關巨鎮不啻一虎踞而龍蹲也方今上之  
未御寰宇而劉公之未秉節鉞於東土也當其時島夷  
跳梁弄兵海上鯨鯢吹腥蛟鱷鼓浪洪波鼎沸飄忽震  
蕩掠我編戶虔劉元元壯者浮馘老弱見殘積骸如丘  
流血成川羽書交馳偵騎絡繹將士枕戈天子旰食固  
嘗徵發荆楚之劔士召募三河之巨猾廣收秦隴之勇  
悍結納燕趙之豪傑莫不臨陳怖栗不戰自推虜人屠

之如芟草萊賊用猖獗疾於風雷浙河以東江淮以南

賊衆橫行跡為戎馬之墟城邑蕭條人民逃遁天子震

怒大吏伏誅秉鉞相繼董而翦鉏今者劉公之來軍聲

大揚不怒而威不戰而彊窮寇褫魄遠竄遐荒公志弗

懈愈巖邊防爾乃伐鼓撞鐘建羽揚旂叱咤則噴薄山

岳指顧則旋轉滄溟截水怪驅蜃精奔巨鯨走長鯨伏

罔象之神姦褫支祁之猙獍陽侯頓戢其惡風靈胥不

鼓其狂波琴高伏日月之光景海童吸陰陽之靈和奇

相助順於沙汭岷精呈曜於巖阿駢馬遯跡於重泉水  
兕潛形於盤渦龍鯉一角而馴擾天吳九首而婆婆沈  
遊神蛻屏息靈鼉文魴精麗其錯綺玄螭光生乎織羅  
樓臺結乎蜃氣光芒發於若華百靈栖息萬怪不譁瑞  
藹蔥蒨珍奇孕出玃璣璀璨絢霞映日水晶獻於馮夷  
之宮冰綃貢於鮫人之室明珠來於驪龍之淵大貝出  
於鼉鼉之窟瑤玉見於析木之津玫瑰效於金樞之穴  
鳴石叩而有聲浮磬塵而不汨又有文鷁窈窕奇鷁連

娟白鵠踉蹌玄鶴踔躩爰居之栖島嶼屬玉之下藍田  
大鵬之翮垂雲駿鶴之光竟天是皆珍怪瑰瑰權奇鬼  
化詫希世之瑞而壯靈海之觀又如颶風不作海若大  
喜平波展鏡深不見底天朗氣清廓落萬里曜靈出於  
暘谷朝暉射乎扶桑乘蹻鬱而縹緲沆瀣浮而蒼茫六  
合清塵王風四張百粵底定物無災傷配美周京海波  
不揚若乃島夷卉服窮髮荒遐新羅高麗朝鮮琉球烏  
衣黑齒穿心飛頭海外之國類千百許雕題文身獸形

鳥語天界夷夏隔絕中土莫不梯山航海間闕長征重

譯款塞來朝聖明獻琛質子頓首闕庭妖氛滌蕩寰宇

澄清海無驚波東方以寧於是玉帳晝閒高牙夜寂鳴

笳不動刁斗不擊元戎坐笑圍碁對客椎牛饗士超距

投石戰卒解甲健兒橐弓水犀三千貔貅萬營脰脰巨

艦舳艫艨艟錦帆綵幔青雀黃龍莫不維纜海濱橫槩

相連高歌鼓吹擊榜叩舷三軍驩謔誼匪徹天或觀濤

於浦口或弄潮於急湍或試射錢塘之強弩或戲擲驅

石之長鞭漁者垂簷何之綸投任公之釣搜滌洄之流  
窮幽眇之島總江豚羅海稀取鮪鱮索王鱣帆檣相戛  
和歌擊鮮而或引吞舟之巨鱗連橫海之頰尾鬚鬣插  
雲顛骨積壘流膏吐涎腥聞千里獵者張機設網列滿  
坑谷弋射海獸奔駭馳逐獲狡兔縛鉅鹿麟玄猿麇獐  
獲納骨車車割鮮殷轂至若海上編氓居鄰斤鹵煮海  
為鹽沃饒萬戶經營太公料理仲父筴籍勾稽大國以  
富或採海錯往來隨潮水母目鰕屋瓦互珧石華海月

螺蚌鰓鮪金齏玉膾人競肥膏又若海舶大貿易貨島  
外挂席海水馮陵滿湃出沒魚龍經涉神怪關吏不詰  
津卒自在齊民之環海而居者樂化日之普照沐聖澤  
之無涯魚鹽雜運烟火萬家秋熟稷稻春榮桑麻黃稚  
鼓腹而嘻遊俠少蹴躅而紛拏吳歎越唱激楚渝巴撾  
鼓吹笙管絃嘔啞歌士遊女聯袂滿車遺簪墮珥履舄  
交加矜珠玉之滿盛闢羅綺之繁華斯皆聖天子之宣  
鉅化敷偉功運真宰參玄穹仁覆京邑旁流四封而實

劉公之有大造於東也是以朝廷釋東顧之憂大臣不復建靖海之策天子舉萬壽之觴於上詞臣撰太平之頌於側高居穆清海天寧謐又奚必如漢武泛蓬萊之樓船秦皇侈會稽之勒石皇圖永固其樂無極僕將與子偃卧海濱覽其巨麗收其閑放以大子之胸臆於是西嶽山人瞿然而驚爽然而喜起謝曰僕居華下日嘗登嶢巖履崔巍以為天下之大觀自華止矣今者觀於海復聽子談東海之勝迺令僕自失邪莊生河伯海若



之喻詎不信哉

海重潤賦

唐梁洽

道之應物兮，小大咸信。物之感道兮，禎祥必順。况我儲君元膺在震，乾乾夕惕，兢兢日慎，德澤潤於生靈。滄海得無重潤，惟海之量百川。朝宗猶君之美，萬國向風。朝宗者歸其廣，向風者欽其政。既同類以相求，故重潤而必應。是使日光分色，山輝度映。風雨不淫，魚龍遂性。羣眎仰止，是燔瘞以告成。外國聞焉，願梯航而來聘。然則

我君之明兩也景毓前星休徵夢月主鬯之功昭著牽  
衣之智逸發四皓既親三朝不闕故曰惟其有之是以  
似之海則靈潮晨夜而無替君惟順動溫清而有時詳  
夫海之為器也吞吐八裔流不逆細怪必思蓄珍無不  
麗冲融澁汨膠轄澎湃濤疊躍於秋陰白浪翻光於  
春霽雖則沙石混濁不蕩其清波瀾迅委終復於平惟  
此之故彰我君明至矣哉靈海之潤孰知其極願乘桴  
以攸往非引蠡而能測道未行兮竊喜取材敢獻賦兮

揚君之德

海市賦

月黃卿

猗巨壑之連大荒兮何浩淼之無垠  
浸盤藍之澹泞兮兩曜晃其吐吞  
西極以東之流瀉兮總滙溶而不靈  
維五行之贊二儀兮水邃廣而獨神  
指三山十洲之宮府兮聿杳邈而難  
論眷海市之譎變漂疾兮駭靈異於  
見聞彼喬嶽之雲霧兮氣氤蒸之可  
知若潮汐與八月之濤兮亦實理之  
所為何洪波之決漭兮恍惚出示之  
瑰

奇髣髴世之形質兮頃刻更移其態姿寒晦斂而宜和  
朗兮計歲見之無幾詢海叟之博練兮槩罔究其兆倪  
陟蓬萊之峻閣兮出海隈之崇岡盱雲霓之乍斂兮泛  
霽日之浮光渺萬頃之激盪兮胸襟豁以徜徉人走報  
以市起兮僕御奔而踉蹌兩竹山之夢夢兮牽牛島失  
其青蒼聲翁鬱於尋尺兮旋騰翥以悠揚少徙倚於巖  
阿兮已宛在水之中央卧青霓之空明兮如潼潼於沸  
湯簇碧霞於一區兮浮掩靄而迴翔譬畫苑之會衆藝

兮懸繪品之千章天吳羣下而蛟螭兮亟為築厥厚墉  
罔象十輩而出捧兮躍蜒蜒而爭能爰居潛鵠翻翻兮  
如助勢而唳鳴爾乃開五都之闐闐兮集日中之市廛  
南北萃貨之雜陳兮海賈陸商之爭先立候殆工匠之  
售技兮佻佻類駟僮之輕猥販鬻之繽紛兮緊接踵而  
摩肩言不聞而有營兮覩巾服之粲然綆獲貿易以散  
返兮行負戴以偃僂伊機巧之戲劇兮爭聚觀之如堵  
負耜耒而荷畚鍤兮走農豎與田父一二弁屨之若遠

兮意何居而踽踽山冥冥以遠隔兮巨介避之何所俄  
而金榜之日耀兮列甲第之逶迤崇朝層樓之翼翼兮  
雕甍朱拱之翬飛亭臺微突其尖兮重簷密瓦之參差  
雉堞嚴城之洞啓兮藻績黼黻之葳蕤寶塔轟轟凌霄  
兮華表踞立乎虎獅余儼長楊五柞之麗兮客謂未比  
其光儀忽建纛幢之子子兮散旒旗之旖旎棨戟干戚  
崢嶸兮躍騶騎之蹻駛安輿飛蓋之徐徐兮檐帷流蘇  
之鮮袞從官健卒駢駢兮郊迎野將之迤邐憶名城之

孔道兮輪蹄輻輳之如是爾其酒旆颺颺兮芳菲近郊

遨遊絡繹兮飛虹之橋王孫俠客兮鷹狗靚妝妓服兮

笙簫竹娟娟兮俯垣茂樹交兮徑遙熒熒兮日下射翳

翳兮風不飄欣欲就兮水之隔招名筆兮臨之圖有懷

華胥兮風景爾殊空中波上兮靡監璘斑爛漫兮易佞

澤沸兮奔電息潢漾兮涵杳虛如錦棚之迅撒兮傀儡

紛散於須臾望島嶼之隱隱兮招玄鶴之翩翩顧偕遊

之大小兮漸從容以言旋謂老鮫之播怪兮何鯨鯢巨

而不然殆海若之幻戲兮較浮世之絢妍嗤方士之陋  
以誕兮誘秦漢之求仙侈金銀之宮闕兮或緣此而諛  
謾嗟么麼兮貴倖若赫橫兮威權燎燄兮易燼綺繡兮  
露乾百爾翕散消息兮咸有極而無端寥廓忽荒如夢  
兮嘉曠士之達觀奚詰辨之倣雕龍兮謾贅費於幽玄

海月賦

明謝杰

繫波臣之徠服矢寶目於明庭敷籟楛之遺則激皇王  
之濯靈帝嘉聲教之被訖鑒孤遐之款誠爰命二臣以



于邁泛餘艗而東征余乃棄孥息辭弟兄耦星使趨王  
程出晉安道新寧駕飛廉馮大庭望洲島涉裨瀛翩然  
霞舉冷如風行比中流以遙矚值華月之方升瞻彼月  
兮太陰之精潮應而落潮應而興潮侵而闕潮盛而盈  
既與潮而為伍自與海而相仍此善下而大彼虛受而  
凝此浮天而為岍彼借日而生明此納百谷而稱王彼  
從衆星而名卿滄桑以為晝夜晦朔以為死生被窮髮  
而黑經閭浮而青三蠶肥而滿六鼈奠而寧魚腦滅而

減龍伯盛而傾既漚漚而濼濼亦淵淵而泠泠爰澗澗  
而曠曠復鼎鼎而熒熒倏忽異狀瞬息殊形方夫崦嵫  
既沒扶桑未啓光風乍融太宇轉霽下無驚濤上無微  
翳望舒狩而升輿羿妻奔而騁轡織阿駢乘結鄰翼衛  
重輪稅於歸墟合壁騰於蒙汜黃道經於碧津赤路交  
乎黑齒滄嶼養魄沃焦抱珥員嶠奉規尾閭循緯碣石  
薄而鳧飛之杲蕩而兔逝天墟浹而黃長析木浮而桂  
墜玉珧石華潛盜其靈海鏡方諸亦稟其氣非眇非胸

非匿非拙時五而三時八而二增潤重溟流輝萬里洗  
光金銀之宮湛碧珊瑚之址或縞者如穀或爛者如綺  
或潔者如圭或平者如砥或好者如瑗或激者如矢或  
華者如蜃或躍者如鯉或如素鳳之下池頭或如白翼  
之嬉水次或如瑤瑟之鼓湘江或如鮫綃之絢蓬市或  
如寶筏度於恒河或如玉華點乎蒼珥或如螢火映於  
林塘或如梅花落夫沼沚或浮或沈赤烏浴而淵暉或  
滅或沒驪龍頷而川媚或閃或爍電騰雲漢之墟或錯

或落斗轉明河之溪想而像之驚心駭視至如皓靈披  
素爰瀾生紫儼若軒帝遺珠赤水迴雪宛轉清麗射人  
又若宓神歸於洛濱夜光盈盈蟾蜍在腹又若女狄暮  
汲而育銀山雪屋千疊萬行又若伍相立馬錢塘陽侯  
疾驅金蚪狂舞又若澹臺碎壁水許須臾浪息微明不  
波又若武皇眺於影娥暘素繽紛非練非組又若天孫  
夜渡河渚靈暉煜煜萬濤增妍又若神劔沈於罈淵茲  
時茲景洵不易得水鏡空明冰壺津液玉杵秋清玄霜

夜碧漢皋風洄環珮浙滙陽臺雨歇朝雲生白以泳以  
游其樂何極於是舉酒以屬諫議分韻賦詩余歌曰月  
出兮東方水流兮湯湯我所思兮道路長欲往從之兮  
河無梁諫議亦歌曰月暈兮知天雨海水兮知天寒佳  
期逝兮衆芳闌思美人兮隔雲端歌竟魚龍交奮餘景  
就畢滿船踰伏不寒而粟余獨怡然載賡載繹秋水之  
篇明月之什一闋未終颺舉兩腋流響溯澗排山破石  
馮夷遭迴天吳辟易少焉風定雲色猶黑諫議曰美哉


色也洋洋奕奕宜諧宮商服之無斃眎彼乘輿南樓賦  
詩赤壁牛渚泛舟晉陽卻敵洵夷險之殊致又遐邇之  
迴跡奚啻大明之與燭火海若之與河伯

御定歷代賦彙卷二十四

謹案第一頁前八行騰波赴勢刊本波訛傾據文  
選改







總校官庶吉士臣張能照  
校對官編修臣馬啓泰  
騰錄監生臣夏清和

欽定四庫全書薈要

集部

御定歷代賦彙卷二十五  
六



御定歷代賦彙卷二十五

地理

江賦

晉郭璞



乎濫觴聿經始於洛沫攏萬川乎巴梁衝巫峽以迅激  
躋江津而起漲極泓量而海運狀滔天以淼茫總括漢  
泗兼包淮湘并吞沅澧汲引沮漳源二分於岨崕流九

派乎潯陽鼓洪濤於赤岸淪餘波乎柴桑網絡羣流商  
摧涓澮表神委於江都混流宗而東會注五湖以漫漭  
灌三江而澎湃漉汗六州之域經營炎景之外所以作  
限於華裔壯天地之嶮介呼吸萬里吐納靈潮自然往  
復或夕或朝激逸勢以前驅乃鼓怒而作濤峨嶺為泉  
陽之揭玉壘作東別之標衡霍磊落以連鎮巫廬崑崙  
而比嶠協靈通氣瀆薄相陶流風蒸雷騰虹揚霄出信  
陽而長邁淙大壑與沃焦若乃巴東之峽夏后疏鑿絕

岸萬丈壁立赭駁虎牙嵒豎以屹崿荆門闕竦而砮礮  
圓淵九迴以懸騰溢流雷訇而電激駭浪暴灑驚波飛  
薄迅復增澆湧湍疊躍砮巖鼓作崩澌衆瀉湍湲澆瀨  
潰濩洩滂滴湟惚決灑澗濶淪漩深滄潏澗澗瀆瀑洩  
減澆湏龍鱗結絡碧沙遺漣而往來巨石砮砮以前却  
潛演之所汨泥奔溜之所磳錯厓隙為之泐嶂砮嶺為  
之岫峒幽澗積岨砮砮確若乃曾潭之府靈湖之淵  
澄澹汪洸瀆混困泣泓泐河滢渟鄰圃潏混瀚渙流

映揚焞溟漭渺沔汗汗油油察之無象尋之無邊氣滯  
淳以霧杳時鬱律其如煙類胚渾之未凝象太極之構  
天長波浹滌峻湍崔嵬盤渦谷轉凌濤山頽陽侯破礮  
以岸起洪瀾宛演而雲迴沍淪滾滾乍泥乍堆礮如地  
裂豁若天開觸曲崖以縈繞駭崩浪而相礮鼓合窟以  
崩渤乃溢湧而駕隈魚則江豚海豨叔鮪王鱣鯨鯨鱗  
鮠鮫鱐鯨鯢或鹿駝象鼻或虎狀龍顏鱗甲錐錯煥爛  
錦斑揚鰭掉尾噴浪飛涎排流呼哈隨波游延或曝采

以晃淵或嚇鯁乎巖間介鯨乘濤以出入鰲鯨順時而  
往還爾其水物怪錯則有潛鵠魚牛虎蛟鈎蛇螾螭鱉  
蝓鱗鼈鼉龐玉珧海月土肉石華三蛟蝦江鸚螺蛇蝸  
璫蛭腹蟹水母目鰕紫虻如渠洪蚶專車瓊蚌晞曜以  
瑩珠石蚌應節而揚葩蝓蝓森衰以垂翹玄螭魄礫而  
礫礫或泛激於潮波或混淪乎泥沙若乃龍鯉一角奇  
鷄九頭有鼈三足有龜六眸螭螭聳躍而吐璣文鮓磬  
鳴以孕璆倬墉拂翼而掣耀神蛟螭螭以沉遊驛馬騰

波以噓蹠水兕雷咆乎陽侯淵客築室於巖底鮫人構  
館於懸流電布餘糧星離沙鏡青綸競糾縟組爭映紫  
菜芡煜以叢被綠苔鬢鬢乎研上石帆蒙龍以益嶼萍  
實時出而漂泳其下則金礦丹礫雲精燭銀瑒瑯瑰  
水碧潛瑁鳴石列於陽渚浮磬肆乎陰濱或頰彩輕漣  
或娟曜崖鄰林無不滄岸無不津其羽族也則有晨鵠  
天雞鸛鷲鶩馱陽鳥爰翔於以玄月千類萬聲自相喧  
聒濯翮疏風鼓翅翮揮弄灑珠拊拂瀑沫集若霞布



散如雲露產氈積羽往來勃碣構杞稭薄於潯溪栲櫟  
森嶺而羅峰桃枝篋管實繁有叢葭蒲雲蔓櫻以蘭紅  
揚暘眊擢紫茸蔭潭隩被長江繁蔚芳離隱藹水松涯  
灌芊蕞潛蒼蔥龍鮫躡於垠隙獮獺睨乎奩空  
迅蜚臨虛以騁巧孤攫登危而雍容夔拓翹跬於夕陽  
鴛雛弄翮乎山東因歧成渚觸澗開渠漱壑生浦區別  
作湖磴之以潔瀛滌之以尾閭標之以翠翳泛之以遊  
菰播匪藝之芒種挺自然之嘉蔬鱗被菱荷攢布水菰

翹莖瀟灑濯穎散裏隨風猗萎與波潭沲流光潛映景  
炎霞火其旁則有雲夢雷池彭蠡青草具區洮瀾朱滌  
丹藻極望數百沆瀣晶熒爰有包山洞庭巴陵地道潛  
達旁通幽岫窈窕金精玉英瑱其裏瑤珠怪石絳其表  
驪虯膠其址捎雲冠其嶮海童之所巡遊琴高之所靈  
矯冰夷倚浪以傲睨江妃含顰而睇眇撫凌波而鳧躍  
吸翠霞而夭矯若乃宇宙澄寂八風不翔舟子於是搦  
櫂涉人於是檣榜漂飛雲運餘艗舳舻相屬萬里連檣

汴洄沿流或漁或商赴交益投幽浪竭南極窮東荒爾  
乃緝零稷於清旭覘五兩之動靜長風颭以增扇廣莫  
颯而氣整徐而不颺疾而不猛鼓帆迅越趨漲截河凌  
波縱柁電往杳溟靄如晨霞孤征眇若雲翼絕嶺倏忽  
數百千里俄頃飛廉無以晞其踪渠黃不能企其景於  
是蘆人漁子擯落江山衣則羽褐食惟蔬魚楫澱為泮  
夾深羅筌篥灑連鋒罾罟比船或揮輪於懸碣或中瀨  
而橫旋忽忘夕而宵歸詠采菱以叩舷傲自足於一嘔

尋風波以窮年爾乃域之以盤巖豁之以洞壑疏之以  
沲汜鼓之以朝夕川流之所歸湊雲霧之所蒸液珍怪  
之所化產瑰竒之所窟宅納隱淪之列真挺異人乎精  
魄播靈潤於千里越岱宗之觸石及其謫變儵恍符祥  
非一動應無方感事而出經紀天地錯綜人術妙不可  
盡之於言事不可窮之於筆若乃岷精垂曜於東井陽  
侯遊形乎大波竒相得道而宅神乃協靈爽於湘娥駭  
黃龍之負舟識伯禹之仰嗟壯荆飛之擒蛟終成氣乎

太阿悍要離之圖慶在中流而推戈悲靈均之任石歎  
漁父之權歌想周穆之濟師驅八駿於鼃鼃感交甫之  
喪珮憇神使之嬰羅煥大塊之流形混萬盡於一科保  
不虧而永固稟元氣於靈和考川瀆之妙觀實莫著於  
江河

長江賦

宋李觀

臣聞養萬物者惟地之大水居其上則地不能載以觸  
以蓄以斷以掘深或無底遠或幾千萬里則江之為水

臣不得而計之矣蜀爲我頂吳爲我腹淮我之腋海我  
之足朝谿暮谷刮骨磨肉委之填之而莫飽其欲萬山  
崔崔將裹將束如兒童之見奔馬縮頭斂手避路而躑  
躅時清氣和無濤無波千丈一席可眠可歌變動頃刻  
四天怒色凶煙暴雲對面漆黑誰爲風師誰爲水伯不  
軌不法無別無識風兮何聲水兮何形前雷後霆冰堆  
雪層操舟之老尚不能自保况乃遠而行客孰不椎心  
而太息出如登山入如沉泉退無所止進不得前龍螭

蛇龜固執殺生之權鰕蟹瑣瑣猶或賈勇而爭先嗟乎  
生之難成之難父母君師之所愛而託命於其間幸而  
免者蓋有之矣不幸而死者何可勝紀魚腹未消腸聲  
相繼豈非利欲之牽人而危亡之不避揚荆巴蜀交廣  
甌閩地有常產物有常珍衣者食者器者玩者歌童舞  
女詭異妖冶官所不取則掠之私舍孰賢孰才貪哉鄙  
哉重裝疊載踰江越淮然則視長鯨之怒東海不啻如  
蟻螻之浮杯嗚呼山川之阻土地之富天下有道則王

之外府天下無道則姦雄所處蓋足於財用而利於守  
禦故周之衰也有吳有楚漢之亂也曰策曰權琅琊因  
之以建大號劉裕得之以入中原道成蕭衍迄於霸先  
自取自守人誰敢言赤壁之敗曹操壽春之走苻堅雖  
歷數之有在亦事勢之使然及夫孫皓之虐叔寶之昏  
而後能滅焉勞乎哉經幾代而幾年臣聞周書曰制治  
於未亂保邦於未危陰陽有消長日月有蔽虧在乎備  
之得所則禍何能為伏惟國家重西北而輕東南臣何



以知之彼之官也特舉此之官也累資斂於此則莫知其竭輸於彼則惟恐不支官以資則庸人並進斂之竭則民業多隳為貪為暴為寒為饑如是而不為盜賊臣不知其所歸夏內也為腹心夷狄外也為手足輕重之理豈神明之所不燭秦備胡而陳勝起事唐戍蠻而龐勛肆毒觀其土崩之由誠可為之痛哭古者有采詩之官惟賦亦古詩之流賤臣不獲言於朝敢賦心之憂愁安得為太平之草木蒙雨露兮千秋

長江天塹賦

明鄭棠

惟淮海之東南設長江之天塹王氣肇於閔嬴都邑作  
於吳甸吞若雲夢者九灌注天下之半勃興六代之搶  
攘凌轢八州之雄戰遼層城之千雉環帶甲之百萬武  
取威以定霸文膺圖以傳禪雖鼎立一隅之尊亦朝集  
遐邦之獻美哉乎其山河鞏固夫其藩翰也觀其用武  
強兵遏徐併荆眇絕驕子威懾戎秦舳艫鯨巨旌旆雲  
屯風聲之洶湧波濤之沸騰赤壁以火炬而捷公山以

草木為兵虜騎飲流而莫渡胡塵望洋而吞聲矧縫囊  
之兒戲與投鞭之蟻爭河南之斂戍劍閣之連營俟冰  
合其何有竟逡巡而無成彼偏霸之節制亦地險其丘  
陵我朝受命龍興荆蠻是膺雷厲而風飛山搖而海傾  
叱咤而五湖浪擊指顧則魚龍震驚一僕姑而江漢披  
靡一戎衣而四方底寧陳三策之斯得嗟五餌之何能  
張王綱於海浦埽穹廬於邊廷同文軌而王會舞干羽  
而修文因龍蟠而奠服就虎踞而作京陋前王之制度

開萬世之泰平今其風恬浪靜商舶漁槳擢謳互荅檣  
帆來往沿沂洄而絡繹泛煙波之下上千艘運夫餘艘  
萬斯溢其庾幣近賈川益遠市交廣莫不倚浪以傲睨  
臨流以儀榜時清俗夷以遨以嬉桂楫蘭舟左圖右書  
蕩鏡淨之素練無烽燧之鼓鼙彼中流之擊楫與橫槊  
之賦詩皆煙盡而灰滅形絕而影希想鐵鎖之截浪彼  
狂童其何知驅鼉鼉之八駿濟師其奚為視疇昔之鼎  
沸幸今際夫雍熙覽形勝之如在慨風景之屢移豈非

得士者善守恃險者喪謀金湯之固廟廊之籌長城之  
禦才略之求夫何大風霸心之存乎安而不忘危也

涉江賦

晉庾闡

發中州之曲沔背石頭之巖岨遡晨風而遙邁乘濤波  
而容與於是時也夕日將昏天吳駭陽侯奔漂海若泛  
江豚爾乃雲霧勃起風流溷清排巖拒瀨觸石興濤澎  
湃洸渾鬱怒咆哮迴連波以岳墜壑后土而川宵總百  
川之殊勢集朝宗乎滄浪注天波於析木激東極乎扶

桑體含弘而彌泰道謙尊而逾光齊山海以比量冠百  
谷而稱王此則水之勢也且夫山川瓌怪水物含靈鱗  
千其族羽萬其名毛羣詭觀倮類殊形明月晞光以夕  
耀金沙逐波而吐瑛撫楫中流汨徂西土過乎歷陽之  
津迄乎橫江之浦若乃越三江之下口眇濡須以逕渡  
邈天險之遐勢歷習坎之重固川瀆泓澄以含景山水  
溥瀼而鱗布

涉江賦

有序

明  
趙東曦

夫惟攄宏抱者依戀乎闕庭息丘園者放情於江海僕  
以樗材早登仕籍遂游閩越歷中州眺山川之雄竒玩  
風物之秀爽時或探幽攬勝瀟灑有出塵之思政成謬  
膺內召旋入諫垣悃欵之誠不自遏抑一言擯斥左調  
南旋驅車寂寞之濱稅駕大江之側臨流問渡極目洪  
波對此茫茫百感交集檢點奚囊離騷一卷而已慨然  
有懷乃以涉江命篇其辭曰

惟長江之浩淼恍浴日而浮天溯發源於岷山環蜀都

而滌旋瀉萬里而東下驚雪卷而雲連流潯陽之九派  
絡淮漢而經百川閱興亡之餘恨聲嗚咽而悲憐歎星  
馳而電閃思英風之渺然見滔滔之莫挽勢澎湃而無  
邊試停驂以懷古心猶豫而不前涉中流以一葉頻來  
往乎風煙於是緬想生平仰追先哲抗志立名懷清履  
潔馳驅皇路策名天闕專城出宰冰壺砥節在閩則憑  
山負海東南都會水碧峰丹春和日麗肴珍海錯枝垂  
鮮荔訪武夷之幽渺尋鍾南之勝地俯桃梅之二溪拂



榴花之雲氣在越則登釣臺擢巖灘四山環列絕巘層  
巒蘭陰石樓赤松方巖泉石清曠洞壑迴環聳懸崖於  
千尺聽溪聲之潺湲在洛則黃河繞其北嵩岳峙其南  
規模洞達體勢中涵襟瀝帶澗土沃泉甘洵東都之神  
麗若玉韞而珠含嗟吾生之閱歷兮時鞅掌其不遑非  
王事之艱難兮何定省之靡常豈好爵之櫻情兮逞遨  
遊於四方彼游子之去國兮尚悲思夫故鄉予二人之  
眷眷兮忍長辭夫高堂念君親之罔報兮每耿耿而難

忘痛終天之莫贖兮，迫哀鳴其何及。夫既以身許人兮，  
恐勲名之不立。感日月之如流兮，慨百年之瞬息。被榮  
寵之殊遇兮，儼入侍乎君側。渺予懷之湛憂兮，豈寒蟬  
之斂翼。媿同朝之唯唯兮，予不忍為此嘿嘿。朝奉詔而  
趨朝兮，夕拜疏乎楓宸。凜先民之古處兮，思仰荅乎國  
恩。秉堅貞而不改兮，奚徬徨而逡巡。况乃權璫受任持  
節視師，置酒高會。負弩奔馳，耀錦繡於戎行。擁旌旄於  
邊陲。倩帥為之懾息，將士任其指麾。夫兵事者宗社之

安危也賞罰者一人之明威也夫何寄耳目於刑餘竊  
國柄以驕侈視逢迎為進退炫金玉以高卑予仰天而  
太息兮夜躊躇而不寐愴烽煙之四起兮慮朝綱之日  
墜鑒古今之喪亂兮半紛紛於官豎身與世而相違兮  
撫中心其如醉苟改絃而易轍兮雖九死其奚悔爰書  
思而草奏兮瀝肝膽以陳詞予非不知讒邪之蔽明兮  
夫方正以自持捐此身如鴻毛兮指重泉以為期稟前  
人之遺訓兮冀先靈之有知惟時俗之不我諒兮同列

謂予以沽名鋒太剛而必折兮歲冉冉而無成世溷濁  
而不返兮何口舌之力爭予聞言而歎歎兮中鬱悒而  
難明矢素心之不昧兮抱拳拳之微情夫豈好為此迂  
拙兮批逆鱗以傷生蒙君王之宥過兮作天涯之逐客  
辭掖垣而長征兮戀九閭其咫尺膏吾車於周道兮秣  
吾馬於江干命僕夫以前驅兮拂清風之戒寒奄鄉園  
之在望兮震江濤之渺漫心怲怲而舒嘯兮仰君門於  
萬里陟高岡以登眺兮聊徘徊而延佇氣蕭颯而悲涼

兮志幽愁而誰語或告予以兩美之終合兮惜同心之  
無侶漭秋水之蒹葭兮懷佳人乎江之湄我所思兮不  
可即擬溯洄以從之將南游乎夢澤旋放櫂乎瀟湘擷  
澧蘭與沅芷延幽賞於孤芳揚洞庭之微波弔湘君之  
渺茫訪三閭之遺跡徒愴怳而悲傷爾乃探巫峽下瞿  
塘越巴陵釣滄浪浮彭蠡泛鄱陽窮俯仰於天地憑上  
下以徜徉放浪乎層峰之巔翱翔乎水雲之鄉領清風  
於明月散造化之文章乃與騷人逸士悲歌磊落託興

煙霞逍遙林壑倚岳陽之層樓上滕王之高閣閱江漢  
之清流噴廬山之飛瀑或且順流千里畫艇紅簾迴小  
孤之夕照凝大別之晴煙蘆荻蕭騷以紛糅征鴻嘹唳  
以煩寃懷壯心其不已吾將排青雲而問天聽琵琶於  
江上忽涕泗而流連若夫石頭虎踞牛首煙寒潮生揚  
子月冷鍾山問繁華於六代覺星散而雲殘唯江山之  
如故留勝蹟以追攀於是游思域外馳情物表曠宇宙  
之竒觀悔逃名之不早變微禽於淮海悲吾生之將老

洋洋乎縱壑之魚飄飄乎入林之鳥想遺世而獨立  
騁雲鸞於蓬島覓勾漏於丹砂鬱琪花與瑤草凌八荒以  
周流兮謝塵氛之雜沓襲芰荷之清芬兮佩瓊瑤之明  
潔彼遭逢之不偶兮閱千古其一轍非誠慤之潛通兮  
恐方圓之難合屈平貽笑於漁父兮賈生矢志於長沙  
老英雄於草澤兮流荏苒之年華雖主聽之不聰兮情  
悱惻而纏綿寧藏器以待時兮安吾命以樂天奚憤時  
而嫉俗兮乃抱恨以沉淵矧洛陽之年少兮燦光芒之

盡吐激中腸以痛哭兮歷稱今而道古才震世而不用  
兮負聖明之知遇累勳舊之盈廷兮曾不足乎一顧珠  
暗投而按劍兮女入宮而見妒予翻然而徹悟兮心懷  
憂而不傷披春風之澹蕩兮迎秋月之輝光垂釣於五  
湖之濱兮置身於千仞之岡矚予美而不言兮疇唱予  
而和女握芳蘭之濯濯兮羞衆草之為伍世共悅夫紛  
華兮予豈媯然而媮媮望長安於天末兮悵浮雲於日

暮



臨楚江賦

齊謝朓

爰自山南薄暮江潭滔滔積水裊裊霜嵐憂與憂兮竟  
無際客之行兮歲已嚴爾乃雲沉四岫風蕩中川馳波  
鬱素駭浪浮天明沙宿莽石路相懸於是霧隱行鴈霜  
眇虛林迢迢落景萬里生陰列攢笳兮極浦弭蘭鷁兮  
江濤奉玉樽之未暮餐勝賞之芳音願希光兮秋月庶  
永照於遺簪

鑿二江賦 有序

宋 狄遵度

予始至蜀詢諸古之賢於蜀有功者以為無出文翁上者於是作石室賦已而復聞有李侯者於蜀有大功焉二人者用力於民雖有勞逸然參其功亦其等耳於是又為之賦鑿二江使蜀之民知蜀之所以為蜀皆二公之力乎

嗚呼吾聞魚鳧氏以降秦太守之前蜀之為國知幾千萬年方二江之害被茲土以禹之功不是施兮嗟後來亦奚言彼民之昏溺兮無乃得之於天不能遷土而改

宅兮其流漂亦誰冤勁崖挺以中亞兮激狂瀾而右旋  
橫鶩折走莫知其所之兮吼穹谷而下穿蛟鼉魚鼈呀  
以相濡兮何允蠢而緣延嘍膚吮血沸以咀嚼兮咸飮  
腐而飽臙萑蒲菱芡紛以相被兮汙百頃之良田土不  
藝而民無所食兮孰與奏其艱鮮民之害固不可終極  
兮歷百千萬世天乃授之以賢曰噫中國之無人遂使  
民至於此焉天之生斯民兮故使之食飽而居安降巨  
蓄以漂之兮天之意不然水之性固就下善利兮決之

則宣濬九州而距四海亦奚艱且九載之孜孜民不憚

苦而詐煩蓋因利而為利兮勞之在先不忍一勤其力

兮乃至驚萬世而害弗捐胡不浚發其利源剗削其害

根巨崖剖以罅裂兮若頽乾而陷坤怒石奮以交墜兮

吁電走而雷奔蕩重淵以傾覆兮喪百怪之精魂雲轉

霧溢盤薄蹙躋兮注壑於其間寂寥散漫肆以長往兮

若氣散於垓渾決其餘以旁溉兮居其側數百頃皆膏

腴之上珍民降丘而下宅兮若蟻聚而蜂屯則幾年幾

世之積害一日刷去兮不啻捐芥而蕩塵嗚呼蜀之為國非地之中宜乎夷貊之雜處魚鼈之與同有李侯者至然後別類於水物有文翁者至然後同俗於華風然則今所棟宇而處衣冠而嬉皆二公之所翳若李侯者事固所莫得而繼彼文翁之教亦何憚而弗為嗚呼以禹之功至大至神括六合以橫被疇有存而勿論胡茲為害獨不得聞無乃力所不洎兮抑亦遺其功於後人而今而後乃知民未得所欲事或有不利先世所未暇

除去聖人所未及裁制苟有志於生民皆吾人之所事  
若曰茲事體大必聖人而後為則小子也不敢與知

松江賦

宋程俱

鷓夷子皮既棄越相乘扁舟攜西子泝東流方將家五  
湖以長邁屣萬鍾而不留放若巨魚縱大壑脫若六驥  
馳坦道而挾輕翰時則八荒收雲千里一碧狂瀾不興  
遠岫凝色目盡意往雲天出沒引風檣以悲嘯趣煙波  
而不極於是遇亡是叟而問津焉曰三江之湊實為五

湖地脈四達衍為松江洶洶渾渾溶溶洋洋孤岑連嶂  
七十有二眇若散螺黛於微茫五湖之中大曰包山風  
穴晝暝霜林夏寒暮煙屯其壘翠冬實累其錯丹麟鶴  
之所憩蛟鼉之所淵山中之人忘世與年條桑縹緲之  
下採石明月之灣草衣木茹泊若追羲盤而與還江流  
之窮是則歸墟王百谷於一吸環齊州於一區大鵬奮  
翅於泱泱燭龍洗光於咸虞由江而下二百餘里布帆  
無恙尚可以朝海門而暮方壺雖然善賈者據其會善

搏者扼其吭方趣南則遺北既畫圓而失方今子將攬  
衆物之會莫若遐觀乎中央惟是江湖之接二州相望  
散荒墟於埵塊識斷岸於毫芒常試與子至中流而四  
顧陰霾鬱興不辨雲水天高日出萬頃在目者五湖也  
岡岫相屬如走如伏冥濛突兀乍見乍失者包山也擁  
松江之上流窮海道於一葦時矯首而斯盡固可以訪  
漁樵而種魴鯉亦優游而卒歲矣吾子以為何如子皮  
曰然務外游者有待樂內觀者無窮吾方以日月為燭



六合為宮參天地以為友從四海之諸公乘雲氣御飛  
龍指包山於遺礫視五湖於一鍾松江之勝又安能芥  
蒂於胷中乎

松江秋汎賦

宋 葉清臣

澤國秋晴天高水平遙山晚碧別浦寒清循游具區之  
野縱汎吳松之濡東瞰滄海西瞻洞庭槁葉微下斜陽  
半明樵風歸兮自朝暮汐溜滿兮誰送迎浩霜空兮一  
色橫霽色兮千名於是積潦未收長江無際澄瀾方傾

扁舟獨詣社橘初黃汀葭餘翠鷺鷥朋飛別鵠孤唳聽

漁棹之遞響聞牧笛之長吹既覽物以放懷亦思人而

結款若夫敵寇初平霸圖方盛均憂待濟同安則病魚

貪餌而登鉤鹿走險而忘命一旦辭祿揚舲高泳功崇

不居名存斯令達識先明孤風孰競又若金耀不融洛

塵其蒙宗城寡扞王國爭雄拂衣客右振權江東拖翠

綸兮波上膾蟬翼兮梓中儻即時之有適遑我後之為

恫至如著書笠澤端居甫里兩漿汀洲片帆煙水夕醉

酒壚朝盤魚市浮游塵外之物嘯傲人間之世富詞客  
之多才劇騷人之清思緬三子之芳徽諒隨時之有宜  
非才高見棄於榮路乃道大不容於禍機申屠臨河而  
蹈壅伯夷登山而食薇皆有為而然爾豈得已而用之  
別有執簡仙瀛持荷帝柱晨韜史氏之筆暮握使臣之  
斧登覽有澄清之心臨遣動光華之賦荷從欲之流慈  
慰遠游之以懼肇提封之所履屬方割之此憂將濬疏  
於匯川其拯濟乎吟疇轉白鶴之新渚據青龍之上游

濯埃垢於緇袂刮病膜乎昏眸左引任公之釣右援仲  
由之桴思勤官而裕民廼善利之遠猷彼全身以遠害  
蓋孔臧於自謀鮮鱗在俎真茶滿甌少迴俗士之駕亦  
未可為茲江之羞

浙江賦

元 沈 幹

鴻濛分鼇極立五行生水居一貌東南之海隅湧大川  
之洋溢此浙江之所以氣象宏偉不可得而具述也一  
權遊覽爰求其源黃山屹然其下為泉初焉渺渺已而

縣縣會東陽之別派暨大永之清漣合衆流而共趨羗  
脈絡其聯延歷延陵而為七里之瀨注錢塘而涵萬頃  
之天浩蕩瀰漫澎湃汨瀦接海氣兮浮乾坤吐天光兮  
吞日月薄霧朝斂滄波鏡明長風莫興巨浪山立魚龍  
或變而或化蛟鼉乍出而乍沒千艘蚊聚萬舶雲集簇  
沙際之牙檣舞潮頭之畫鷁萃山海之羣珍致川陸之  
百物使三吳之富甲於天下者實此江之力也朝焉而  
朝夕焉而夕海門喧萬鼓之聲江面亘一絲之力銀山

嵯峨雪屋突兀見者目悸聞者股栗乃有輕儼之童銜  
耀其術感鯨浪以爭趨舞紅綃而特出輕性命於毫毛  
駭觀瞻於倏忽此浙江之異景而百川不能與為儔匹  
也奔流滔滔如怒如號胥也何勇寄遺憤於驚濤鏐也  
何智表一矢以著勞英雄千古陳迹寂寥而此江之水  
閱今昔猶一朝話未竟客有謂予曰美哉禹功無往弗  
施浙水何為禹貢則遺水經所載原委無疑以漸為浙  
誰其易之蓋書法所畧者由不費禹功疏鑿之所致而

名水之有異者庸詎非文字訛舛之所為吾黨之士見一物而必格耻一事之不知詎可不究夫此江事迹於往者而使詫此江景物於一時也哉賦者於是作而謝喜而歌曰越山杳藹兮吳山嵯峨中有巨川兮與海通波書固略之兮水志豈訛考輿圖而稽故迹兮亘千古而不磨

觀濤賦

晉  
顧凱之

臨浙江以北眷壯滄海之宏流水無涯而合岸山孤映

而若浮既藏珍而納景且激波而揚濤其中則有珊瑚  
明月石帆瑤瑛彫鱗采介特種竒名崩巒填壑傾堆漸  
隅岑有積螺嶺有懸魚模茲濤之為體亦崇廣而宏浚  
形無常而參神斯必來以知信勢剛凌以周威質柔弱  
以協順

浙江觀潮賦

明

黃尊素

吳公子過武林當八月十八日油壁接軫繡軿盈途員  
冠莪如大裙襜如士女皆觀潮而出城郭為之空虛主



人謂公子曰此枚乘所謂怪異詭觀也蓋與子偕往乎

至則錦帳翠幕山韜路織歌吹沸天紅紫錯舄波影山  
光攪雜彩為一色其時纖塵不起水平如鏡渡頭往來  
漁歌答應車牛方喘於轉轂畫鷁初間而下矴彼江干  
之士女既不異鷗鴈之翔沙而衆口之喧囂又何如鶩  
鷺之亂聽逮至審時定候日影已高遙傳屢起中心搖  
搖恐陽侯之爽信萬目睽睽向海門而注視不戒而孚  
聲收息阻向之喧囂不定者忽然如含枚而楔齒雖絳

縈之微響亦澄然其入耳俄而一綫橫江天風颯然摩  
挲目睛指點雲煙瞻言百里之外已覺隱隱聞聞豈擊  
鼓之動地或殷雷之在天方潮之初發也浩渺之區浮  
天無岸竭淡淡而東來雖洶洶而弗叛及其兩山迫脅  
沙渾中埤忽而受於拘束無所容其浩汗卒中怒而山  
立庶太空之無絆天蓋撼動而欲移地輿震盪而似判  
吳山越山為之低昂不已亦恐其流轉而互換魚龍失  
勢飛鳥驚竄乃有狡童偃子百十為伍絳幘單衣馳騁

波路持彩旗兮悠颺潮之神兮來何暮呈傀儡之妙戲  
羌逞能以相妒耕父來天吳赴支祁按節罔象負羽孰  
不為之膽掉心寒彼且從容而沿沂已而潮上漁浦波  
澄如故主人曰廣陵之潮枚乘以素車白馬比之較之  
吾浙真不足齒矣彼弄潮者亦天下之能事哉公子曰  
吁夫潮者天地之怒氣也天地方怒而以供俳優之戲  
是為樂怒樂怒與樂哀等也昔蔡君謨有戒弄潮文子  
不知之乎而以風俗之陋者誇於四方也主人曰否否

夫論事者考其原觀今者溯諸古昔越之敗吳習流二  
千人戈船三百艘浙江固習水戰之所也降而錢王射  
潮以強弩此較射於波濤乃謂致師於水府彼氣機之  
翕張夫誰受其痛苦投箭筈以三千不過中流之東楚  
遠有宋之南遷也嘗以茲日水中講武殿司臨安金山  
澉浦水軍萬人巨舶千艘西興龍山兩岸如堵天子大  
閱簡別強弩分為五隊中權是主舞刀握槊節以金鼓  
礮聲滿江五色齊舉煙收炮息其散如雨凡今之弄潮

者賈勇售藝兵家規矩輕性命於鴻毛故能馮河而暴  
虎其餘伯國之餘風非書生之陳腐所謂安不忘危而  
子乃以俳優侮之邪公子語塞而退

靈河賦

魏  
應  
瑒

咨靈川之遐源兮於崑崙之神丘凌增城之陰隅兮賴  
后土之潛流衝積石之重險兮披山麓之溢浮蹶龍門  
而南邁兮紆鴻體而東流涉津洛之坂泉播九道之中  
洲紛瀕湧而騰鶩兮恒臺臺而徂征肇乘高而迅逝兮

陽侯沛而震驚有漢中葉兮金隄隕而瓠子傾興萬乘  
而親務兮董羣后而來營下淇園之豐篠兮投璧玉而  
沈星若夫長杉峻檣茂栝芬檀扶疏灌列映水陰防隆  
條動而暢清風白日顯而曜殊光

大河賦

晉成公綏

覽百川之弘壯兮莫尚美於黃河潛崑崙之峻極兮出  
積石之嵯峨登龍門而南遊兮拂華陰與曲阿凌底柱  
而激湍兮踰汭洛而揚波體委蛇於后土兮配靈漢於

穹蒼貫中夏之畿甸兮經朔狄之遐荒歷二周之北境  
兮流三晉之南鄉秦自西而啟壤兮齊據東而畫疆殷  
徒涉而永固衛遷濟而遂強趙決流而却魏嬴引溝而  
滅梁思先喆之攸歎何水德之難量

黃河賦

元  
李 祁

乾清坤夷嶽奠川會覽四海之縈環見黃河之如帶下  
亘寰宇之區上通銀河之派折九曲之迂迴瀉千里於  
一快想成功於當年微神禹吾誰賴觀其肇跡西土濬

源天淵浩浩蕩蕩翩翩絲絲或奔放而莫禦或紆徐以  
夷延或騰蹕奮迅激強弩以俱發或喧飀震掉雷萬鼓  
而並前聳銀闕之嵯峨驅鐵騎之森嚴忽洪流之浩渺  
播餘波於兩壩諒一葦之難渡豈容刀之可言思昔龍  
門未闢積石未導蕩斯民之衝廬為魚鼈之閫奧暨黃  
河之安流嘉玄圭之錫告濟蒼生於艱危拯沉溺於閑  
燥昭乎如日月之乍明廓乎若乾坤之再造此後之臨  
流而歎者所以深為魚之憂而羨禹功之妙也逮從西



京治化昭明何壯心之未已復馳騫於遠征命彼張騫  
使於西垠窮二水之所自至鹽澤而陸沉是雖足以知  
黃河之原委要未可與神禹而並稱蓋其甘心遠夷疲  
敝中國孰若疏鑿功成免民魚鼈靈槎泛泛使節煌煌  
孰若乘彼四載經營四方竹杖詭竒蒟醬甘好孰若水  
土既平稼穡是寶吾於是知禹之功如天地之無不持  
載無不覆情者矣惟我皇元萬國一統會百川而東朝  
環衆星而北拱不必胼足胠手而河流無泛溢之虞不

必窮幽極遠而河源皆版圖之貢愚生南邦未獲時用  
蓋將振衣袂乎崑崙豁心胷乎雲夢挹黃河之餘波造  
明堂而獻河清之頌

黃河賦

有序

明  
周光鎬

予壯時偕計吏北入燕浮淮涉泗歷黃河之委既守西  
蜀再上計每由豫州渡以行久之備兵臨鞏按部袍罕  
登積石關覩禹導河所自始乃今填撫朔方則挾河為  
塞有界限戎夷之險澍溉烏鹵之功且蔑有汎決之患

食利甚鉅於是乎重有感焉夫九有莫長於河故列之  
四瀆特號為宗然江有郭弘農賦亦既彬彬侈言之由  
漢以來未有沿源討委總攬萬殊收歷代之遺文畢體  
物之能事以及於河者有之自應成亦寂寥未備也然  
河在中國古今所稱利害彼此夔殊蓋治之臧否而利  
害之小大參之朔方有利七害越在上游其勢使然也  
若今泗沛間漂蓄漸滋為害特盛則亦治者或未兼善  
豈盡河之罪哉茲余聞命召還且渡河東矣軍旅小間

不量寡率揭其源委遂含毫賦之蓋以誦河之德且折衷近議治者之異同云其辭曰

維河流之靈稱肇億禩而不忒經流別之為宗萬水崇之為伯逮禹功之所加既經矚而可悉粵重源之載導復冒流於積石開隴西之上游逕金城而東出翼賀蘭以包朔方並陰山而望闕左拂雲中雷首右薄太華二嶠循平陰而北轉乎鮪渚遵洛汭而東抵乎成臯由是捐故瀆而不赴指宛丘以捷馳邇淮濟之所道並委輸

於朝夕之池昔之播九以同於碣石為逆而瀉於東齊者已中枯而成陸或分岐而背趨矣其來同者則洮兼大夏湟引閤門高平芒於奢延浦汾渭涇洛伊汝潁汴淮又附之而俱達者槩不可以殫稽蓋四瀆之流總其三九州之水領其七成千里而一折乃九折於中國其水則渾渾澗澗滉滉淒淒洩灑溇沔以旋營汨黃濁而拾集不藉颺而騰波詎涅槩而成色及其下桃花之新漲溢竹箭之疾流浩滉瀆而高出濊軋洶而橫浮隄蓄之

而善崩山懷之而欲度奚兩涯之可測尚復致辨乎馬  
牛至若越呂梁潰龍門觸底柱下集津阨嶮巖束嶙峋  
莫不洶澆澎湃濶灑滄漚奔溜下垂若瀑布之高曳駭  
波上躍若雪巖之雄峙飛沫類澍雨之四垂振聲又疾  
雷之薦至搖撼山岳動盪天地聞之者改聽觀之者魄  
悸飲飛犯之喪其勇擣里遭之失其智其漆園所稱善  
遊之夫夫亦寓言而若是其麟族則有鮒鱮鱣鮠鱠鱠  
鱣鮪玄鮪白鰈青鱖文魮豪魚朋遊玉鮪穴栖或蒼文

而赤喙或鳥首而龍題或曝顯而未化或具翼而善飛  
喜挾濤而出舞每汭流而升危其介族則有素蛟丹虯  
黃倭黑蜃朱鼈玄鼉赤螭黃貝蜃蟻蠹浮蛇貢龜八  
足之蛻三足之能潛者逗泥而汎沫出者緣厓而曝暉  
故隨地而孳育亦隨波以遷移其羽族也鷺鷥鷓鴣鷓  
鵒鷓鴣王雉白鰲鷓鷓鷓鷓朱目之鷓赤尾之鳧春鉏  
彩纓洄澤垂胡當扈以髯而奮體白鷓以視而孕雛陽  
鳥往還而旅處駢蹏沈浮而托居鷓鷓互舉喧聒相呼

要羣而集引子而哺巧歷不能以乘計司虞不能以目  
書其下又有青璣白珠藻璆吉玉曾青砮石櫨丹碧綠  
浮磬羽磬文礪玄礪或流自他山或產於深澳覩水折  
之圓方察精氣之隱燭知寶藏之所興驗珍錯之所伏  
其天子之祕寶咸載之於河圖金膏燭銀玉果璿珠是  
河宗氏之司衛非庸人所得而闕闢其神則河精巨靈  
陽侯馮夷黑公之從趙見五老來告堯期或興兩蛟而  
挾舟或駕兩龍而負轅或化星而入昴或授圖而還淵



或玉牘遺於滄次或掌跡寄於山顛稽歷代之禮祀其  
備物之或殊或刑正牲而沈白馬或射玄貉而獵白狐  
多瑩玉之圭璧及紺蓋之輿車若夫王澤寢消君人失  
德徵廢則徙移表亡則竭絕澤枯則山石崩壅陰盛則  
陵阜漂沒封原割而流分下民恨而波赤至於帝王聿  
興聖人將出則榮光以之錯起休氣以之四塞潤至於  
九里清變而五色川后為之貢珍水祇為之效職有若  
庖犧之卦畫軒后之綠圖放勳受圖而作記重華剖檢

而得符負之以神馬挺之以龍魚折溜而至蹠水而去  
寧斬乎靈府之悶既孰不及期而來輸又若白魚之入  
舟赤烏之流火玉龜之呈讖神魚之出舞金人捧劍於  
秦昭黃龍彰異於世祖皆能告世運之休徵著瑞應之  
盛事蓋臧徃以察來亦知微而知彰通神明之懿美目  
德水其克當獨昉稱乎嬴氏雖允臧而弗揚喟時代之  
廢興慨昔人之遺跡誓功者表其如帶階圖者載其分  
域晉君赴哭而遂流武帝興歌而遂室弘農被化之虎

渡晉代互渚之魚出尚父之號蒼兕太尉之斬青牛葛  
玄使魚而吐書秦伯濟師而焚舟趙決之為却魏之策  
羸引之為滅魏之謀申徒負石以自沉方叔抱樂而赴  
溺古治救駢而斃鼃子羽斬蛟而棄壁濟嘉君子之名  
渡賜竇門之鬻宋中詠一葦之抗孟津嗟捧土之塞伯  
鯨堙之而竊息壤女媧止之而畫盧灰延世使隄東郡  
而豐賚延平奏決胡中而太苛王尊祝水神而患息江  
使遇余且而禍罹緯蕭子探珠於驪領商丘開得珠於

淫隈復有金秋之所沈木罌之所渡宣尼臨之而不濟  
魏侯浮之而稱固亡人投偃壁而結誓篡夫沈周寶而  
邀祜諸雖美刺之有間咸傳牒牘而昭著其堦有甌脫  
之地斤鹵之墟分以萬洫激以千渠溉糞兼資黍稷載  
敷變境堦之瘠壤為晦鍾之上腴雲雨以之蕩濩垢濁  
藉之滌除汎千艦以遠達通萬國之貢輸興衆利而不  
匱設重險而有孚宜先王之典禮後比秩於諸侯於是  
集周穆之征紀夏后之荒經漢儒之載來鄠氏之所稱

法顯之所歷騫英之所尋具考濫觴之所在咸云自崑  
崙之靈丘本神泉之顛質發東北之一隅下夫中極之  
淵逮於河伯之都劃凌門穿陽紆絕屬賓之國略皮山  
之居招蔥嶺之所出喻于聞之所儲包且末牢蘭之所  
聚擊龜茲疎勒之所趨盤迴於荒服者三十由旬乃會  
三原而來瀦至於泐澤海曰菖蒲又潛行千有餘里始  
及乎中國之西陬後使者薛氏之所訪云得之悶磨崎  
嶇而勝國之佩金虎符者復云自星宿之區謂越遐而

遺通譏前記之盡誣竊意河源遙集非一流而後先之所執抑同歸而殊塗彼見夫顯行之即是而於伏流之為虛不然者其經見萬里而匯於眇焉之泐澤豈自有沃焦而為歸墟况有電轉隱淪之跡非其冒出於積石者乎夫天一之潤下惟四瀆之為經歷桐柏而淮出及王屋而濟興江湖之以為永亦僅止乎蜀岷探茲源以及委貫方輿之兩端首西極而尾乎東極上應雲漢之竟天周祭雖並列乎瀆秦郡亦參稱乎川爰揭衆流以

繫枝孰與之而克配焉歷觀往昔之利害深惜今時之  
所治不察夫常變之宜以極會通之致夫彼一石之濁  
流兼六斗之泥滓緩行則分滯急疾則並駛放乎海溼  
而成壤又梗夫尾閭之所委其控清以引濁亦非曩人  
之失謀獨兼三瀆於枝淮曾弗災異之為憂豈容使一  
衣帶之廣克任七州之涑流不經本而障末難乎圖遠  
之鴻猷獨不見夫乘四載者之疏導鑿上流而行乎高  
地度迅悍之怒湍非弱土之能載恐一川之不勝濬九

道以分殺虞暴溢之為菑委曠土以儲待自玄圭之告  
成闕千春而罔害後乃淤故道而不修并屯氏而偕廢  
即炎祚置重使而隄防捐億萬之歲費竭薪石而徒勞  
亦屢塞而屢敗此已然之效曷不繼神聖之上計并賈  
讓之首策猶可備采於近世顧泥古者拘拘舊迹守經  
者安於小利司農惜少府之藏司土重膏沃之棄其孰  
肯建非常之弘業而以天下為吾事

黃河賦 有序

明  
劉 咸



黃河為四瀆之宗其源流之遠益不可與尋常溝壑并  
論古今博物之士多有賦詠予承命之河南覽其勢之  
浩浩歎其本之淵淵因為之賦以續於後賦曰

究物理於五行頤神志於羣籍信水類之浩繁各流行  
而不一或溶漾如天青或澹泞如雲碧或泓澄如練光  
或緋紅如砂赤或漪連如藍或黝黑如漆或澄澈如鑑  
或沸湧如炙凡若此之云云皆可數而歷歷惟天河之  
一派獨殊類於百川始濫觴於一勺終潤澤乎八埏脈

連渤澥名播于闐不朱不紫匪綠匪玄本后土以為色  
假流沙而作權因九曲以成勢與三瀆而並肩漢河其  
腹灘沮其咽濟漯其涕溱洧其涎羗晨晡之陰霽偉氣  
象之萬千爾其發源崑崙匯流蔥嶺涓滴所生日浸月  
盛自剛山北流千里而西至于蒲山之陽自蒲山南流  
千里而東入乎華陰之境蓄豪悍之騰威乃齟齬而未  
逞忽摩崖而奔開恣一瀉於俄頃洶湧澎湃跳躍馳騁  
飄然若月窟之舞霓裳燦然若天機之下雲錦炯然若

鑑金之溶範圍蒼然若蠻煙之出火井勃然若驟雨方  
至而電驚雷震鏘然若大樂將終而金聲玉振突然若  
萬騎出驅以奉諸將之令哮然若羣虎相鬪以致一時  
之命知者遇之不能不為之昏昏勇者見之亦不得不  
為之凜凜已而離西域窺中原出秦壤趨禹門繞潼關  
之金隄割底柱之靈根通瀍澗兮函谷匯伊洛兮孟津  
接淮泗兮潁上會江漢兮海濱牛馬之去來兮莫辨涇  
渭之混濁兮不分魚龍之變化兮莫測蛟鼉之出沒兮

無倫吐虹霓兮吞日月噴雲霧兮浮乾坤蓋至此而大河之勝有不可得而形容於言者於是奮餘威厲鈇鐸浩浩蕩蕩溇溇瀉瀉未雨而鬼怪百呈無風而神瀚自作斂而為湍散而為沫潄而為淵注而為壑遇溝陂兮委填遇丘陵兮開鑿遇夷壤兮潰流遇畔崖兮激搏羣山羅列兮不能留積石嵯峨兮不能遏泥沙昏滓兮不能壅大澤瀰漫兮不能括盛矣哉其量之同乎太虛淵矣哉其光之涵乎冲漠雄矣哉其勢之達乎滄溟壯矣

哉其聲之動乎寥廓意者天地之氣機而造化之脈絡  
邪意者其方輿之心腹而河海之郭廓邪不然何寬何  
洪衆流必容何去何從萬折必東由中潤下而不厭履  
險涉難而皆通流晝夜而不息亘古今而不窮吾不知  
其於世何物與之爭雄宜乎魏國美之以為寶漢家以  
之而誓功思昔洪流滔天不辨區域泐九州之一緒皆  
浸淫而洋溢惟禹聖人繼天立極慨兩儀之混茫念羣  
生之昏溺乃刊木而隨山因順流而疏滌雖手足之胼

胝三過其門而不入九載勤勞厥功始畢然後地平天  
成烝民乃粒舟楫以之而通財賦由之而殖歷世相承  
至有今日然則論河之功可不知神禹之力我國家奄  
有寰區車書混一海宇晏如恩波之所及德澤之所敷  
罔不率俾來貢來輸故斯河也有帶礪之固無汎濫之  
虞迨今寧謐五十餘年每澄清兮見底輒決旬兮不污  
愚也何幸身逢承平之盛世而因覩乎禎祥之屢書慶  
千載風雲之嘉會得乘查於斗牛之墟爰摠誠而獻賦

聊以效夫龍馬之呈圖

黃河賦

明  
薛瑄

吾觀黃河之渾渾兮乃元氣之萃蒸  
濬洪源於西極兮注天派於滄瀛  
貫后土之龐博兮杳玄溝之晶明  
過積石而左轉兮龍門呀而峻傾  
薄太華而東鶩兮撼底柱之崢嶸  
入大陸而北徙兮迷不辨夫九河之故形  
經南海而紀衆流兮擅浮沉之濯靈  
覽頽波而懷明德兮又何莫非蚩氏所經營  
登崑崙而俯視兮固髣髴其初迹

馭高風而騁望兮遂周游其曲直何未流之混濁兮始  
清激而湜湜羌澹豔而徐趨兮勢法法而自得觸險石  
以鬪暴兮訛雷轟而輟擊天宇擴其沆瀣兮渺上下之  
玄黃霧雨霏霏而滄集兮混邃古之洪荒微風蕩拂而  
渙散兮天機組織其文章頽森浩而洶湧兮百怪垂涎  
而簸揚腥雲濁浪以盪汨兮恍忽顛倒夫舟航靈曜升  
而赫照兮乘正色於中央望舒在御而下臨兮列宿涵  
泳其光芒若乃震秉符以行令兮百谷淫淫其凍釋山



澤沮洳以上氣兮增滉漾之洋溢魚龍乘濤以變化兮  
杳莫測其所極祝融載節以南屆兮雷雨奮達以霑霈  
演支流而股合兮百川奔而來會木輪困而漂拔兮蔽  
雲日而淘汰狂瀾洶而蓄岸兮塊土馬塞夫衝潰霜戒  
嚴而木脫兮少昊執矩以司秋洲渚緬邈而石出兮始  
殺湍而安流霰雪紛其四集兮顛頊乘坎以奮神大塊  
噫氣而摩軋兮流澌下而龍鱗層冰橫絕而山委兮河  
伯驅石以梁津羌險夷而明晦兮變朝暮與四時颺風

起而衝水兮莽怪駭其難推觀圓方之一氣兮恒來往  
而密移昔尼父之歎逝兮跨百世而罕知顧川流之有  
本兮與終古以為期啓龍圖而翫六一兮悟主宰之所  
為喟余心之未純兮感道妙之如斯聊誦言以自明兮  
庶晝夜之靡虧

襄華貫洪河賦

以崇嶺橫斷靈  
清長注為韻

唐闕名

太極經始純坤傾東勢以嶽鎮氣以川融於是靈闕襄  
華象開鴻濛橫大野以中豁夾洪河而北宗爾其沓嶂

無際連波方永噴激萬里迴合千嶺總峭函之氣象歷  
秦晉之封境山以河潤上騰雲雨之祥水與時清下倒  
巖巒之影若乃騁遠望馮層城秋爽元氣朝昇大明偉  
連天之浩汗壯發地之崢嶸翠岫屏擁澄瀾砥平疑白  
虹飲壑而半隱似寒雲抱塞而初橫及夫俯臨迫察詭  
麗雄悍峻勢危而不騫靈源注而常滿積陰騰氣與嵐  
色而相鮮燦日生霞連榮光而不斷觀其畜含精秀孕  
育風霆應會昌運發揚炳靈茂賢傑於間出翊邦家而

永寧况乎山積鴻休川流景福明徵祥瑞幽贊化育此  
其所以配乾坤此其所以稱嶽瀆豈徒翫夫縈帶委注  
蓮開翼張巍巍峩峩滔滔湯湯干天之峻極赴海之靈  
長而已士有圭竇強學金門獻賦困陶侃之無津耻孫  
弘之不遇覽襟帶而增氣追聖賢而遐慕想劉公之歎  
微禹其魚感吳子之言在德為固義由景行仰高山而  
自慙志切朝宗與大海而同注儻餘潤之波及期變化  
於雲路

清濟貫濁河賦

以與濁同流清  
源自別為韻

唐

李君房

濟有瀾兮清泠不窮以清激濁兮洪河之中迤靈長而  
委注忽薦至而爭雄懼溷乎泥我則貫而愈淨將合於  
道我則和而不同徒觀其虛明皎潔秀色澄澈漾清泚  
以遐分界飛濤而劃絕始騁迅以中瀉載流謙而東洩  
德惟靜自澄之於本源體雖柔豈混之於派別懿夫貞  
不受汙清非可混噴中流而激射劈巨浪之崩奔狀浮  
雲決開晴天之灑空碧若輕埃乍斂明鏡之洗蒙昏遠

而望之孤煙橫於曲渚迫而察也霜練引於靈源是知  
夫道惡比周物莫相與彼流濕之為類尚沿源而異處  
匪泥沙之可雜豈湍狀之能阻越洪濤之浮浮駛清浪  
之悠悠不學淄澠之難辨且殊涇渭之同流於以用之  
甘見和之醴就其深矣欣可泛乎舟狀盤渦之澆澗不  
染乎濁湔跳沫之飛驚不傷夫清均上善以清美含至  
虛而體平度龍堂而愈灑洗貝闕而增明何必溱洧之  
陽然後濯其髮寧俟滄浪之畔然後澡其纓截河而流

所以為異導汚而注明乎所自醜濁波而迴逗沛敬驚湍  
以自致庶彌久而不渝鑿妍蚩兮無媿

清濟貫濁河賦

以與濁同流清源自別為韻

唐

許堯佐

河之並濟兮惟秩其平濟之貫河兮勢若相傾非剛克  
無以見其柔立非甚濁無以彰其至清是以靈源濬發  
柔德兼呈徒觀其流波委注秀色澄澈沖融而濁水遙  
開鼓怒而洪流直截遂使還淳之士疑二氣之初分策  
功之臣驚一帶兮中裂既處濁而不染每含貞而自潔

苟與和光者殊致寧與混泥者無別是以霍濩波激崩騰勢翻濟水與河水相輝光容易識清流與濁流不雜質性難論苟徵之於變化可察之於本原於以表德於以辨類方九折而橫流啓重泉而直至故以盤渦渾曉日之輝疊鏡寫晴峰之翠絕河而去孰與我爭先導沈斯來孰謂我奚自若乃冲虛是翫迅激難儔廣可涉兮思杭葦於寒渚清可挹也欲濯纓於夕流貫長川之浸浸委輕浪之悠悠然下流緜邈願表清而不濁上善昭



融故守和而不同故可扶正直之純志助潤澤之成功  
動漣漪於迴浦萃光景於微風且淮之清兮濱於夷江  
之遠兮界於楚豈若貫大川以揚波臨大都而分渚舍  
清濁而獨秀求匹敵而誰與苟河清之可期願朝宗而  
為侶

御定歷代賦彙卷二十五